

四庫全書

史部

欽定四庫全書

史部

殊批諭旨卷一百三十八上
下

臣 永瑤 恭 校

編 修 臣 張 謙 覆 勘

總校官中書 臣 朱 鈐

校對官中書 臣 徐步雲

謄錄監生 臣 陳元熙

欽定四庫全書

硃批諭旨卷一百三十八上

硃批謝旻奏摺

雍正七年十月初六日署理江西巡撫印務太常

寺卿臣謝旻謹

奏為恭陳應行事宜仰請

聖訓事竊臣奉

命署理江西巡撫

天恩高厚感激難名竭盡駑駘未足圖報自揣才識短淺曾經具疏奏請

陞見跪聆

聖訓未蒙

俞允隨即星速赴任今抵江西將近一月查閱新舊案卷體訪地方情形通省事務約畧得其大概除綜覈錢糧操練兵馬嚴查虧空稽察驛遞清理訟獄等項次第舉行外查江省原係內地本為易治惟

民情近於刁健如現年錢糧今甫完及五分歷年
錢糧迄今尚多舊欠地畝欺隱盜賊未消賭博未
絕詞訟每多誣告而借命抄搶尤為惡習更有地
方積棍因官所行之事有不便於姦民者動輒假
公濟私以罷市罷考挾制官長此由從前過於寬
縱遇此等事每以枷責結案未按律例究擬以致
姦民無所畏懼臣通行各屬令於地方事務無論
大小悉照

所論是但須實力為之務期行與言符若能仿效田文

欽頒律例遵行毋得寬縱使民知有法度庶刁風可以

鏡李衛之竭慮奉公任勞任怨何事不克就緒也

漸息再臣由九江至南昌赴任所過之地見墩臺

煙墩

營房

當即為籌計至於城垣尚非急務當從容料理

營房多有倒塌訪聞各屬城垣坍塌未修者亦非

一處容

臣

通行查議設法脩理大抵江省屬員關

茸者多必應嚴行整飭但稽查州縣責在知府而

知府與州縣最親不無徇隱臣一人耳目實恐難

周卽藩臬兩司管理通省錢穀刑名事務實亦紛

繁查向來分巡兩道每自視為承接衙門督率屬

員非其專責糧驛兩道亦自謂漕糧驛鹽之外可

以不問往往不深體察臣今以饒九南三府仍責

成於原管之饒九南道以南贛二府仍責成於原

管之南贛道其餘八府無專轄道員者以東路之

察吏

之術能勉效田文鏡一分即有一分政績若能盡

南昌撫州建昌廣信四府責成於糧道以西路之

似則

亦為田文鏡一列之賢大臣矣設不如是而希朕

瑞州臨江袁州吉安四府責成於驛道各令稽查

如是

信重何異欲登山而却步耶

如屬員不職事有廢弛揭報叅處臣仍不時密訪

以飭官方以嚴吏治凡此俱臣職分當為之事本

不敢上瀆

凡百俱當據實入告恐瀆聖聰一語乃誤盡生平之見
聖聰但恐辦理未宜致滋謬誤仰祈
解朕所深惡者於一切處不可少存斯念
睿謨指示俾得恪遵益戴

天恩於無既矣為此謹

奏

據汝奏稱江西內地本為易治此語謬矣察吏安民天下總屬一理何難何易前者張坦麟亦言江右非比蘓松繁劇臣力猶可料理朕當即批伊摺內云汝但稍存

輕易之心將來必至不能勝任後果應朕諭今汝又言
易治二字所以朕更為汝憂之督撫封疆責任惟斯統
率屬員一事倘馭失其道不能使之心悅誠服則諸務
未由經理百姓從何化導是非不無乖錯刑賞或至倒
施將見向之所謂易者反覺甚難而不可為矣然欲邀
屬員之感恩又非動輒叅劾曲意姑息之所可得必也
大公無我將恩怨毀譽置於度外而後不期然而然漸
收成效也第能勉此其餘皆屬末節汝其敬之勉之

同日又

奏為奏

聞事竊

臣

抵江西接准前撫

臣

張坦麟移送內閣寄字

雍正七年閏七月二十日欽奉

諭旨密緝江湖大盜趙七等因到

臣

思趙七既係江

湖大盜自必出沒無常往來不定若不確訪蹤跡

難於弋獲隨與鎮

臣

陳王章密商細加察訪因知

有南昌縣民王登科向在沿江上下一帶行走即

令南昌縣拘拏究訊據供昔年曾與大盜陳三疤子在安慶地方行刦商船一次得銀三十六兩錢三千分賊時候陳三疤子說這所得還小必要弄些大客人成堆分銀方纔快活小的恐怕弄出大事來往後就不曾敢入他的夥後來聞得陳三疤子肆行無忌船上張打坐鎗假裝官府攪擾得水路上下俱不安靜這陳三疤子臉上有一疤聞他詭名又叫趙七他本是江寧人如今搬在揚州關

上普濟庵對過洪四家居住等語

臣即同鎮

臣陳

王章差委標弁各帶兵丁押同王登科前往所供之處踏訪得實即令酌量飛報江南督撫添差兵役一同協拏已於九月二十日去訖除陳三疤子果否即係趙七應俟弋獲之日另

奏外所有微臣現在訪獲夥犯押同察拏緣由合先奏

聞伏祈

皇上睿鑒謹

奏

可嘉之至竭力督緝務獲嚴究但當更加慎密毋稍張揚恐聞風逸脫愈難就擒矣

世間如敗苗之莠者盜賊與匪類二種而已蹤跡雖迴不相同就其輕重而論則匪類為害更甚汝等地方大吏須時刻留心一有所聞便應根究若恐招多事之誚及先存波累無辜之慮皆謬見也如曾靜呂留良率因

督撫疎慢不察以致若輩肆行數十年毫無忌憚可不深以為戒乎此等處惟李衛用心周到勤於訪察當效法之

同日又

奏為奏

聞事竊_臣抵江西於雍正七年九月十二日准刑部咨為遵

旨密拏事行令各府州縣查有羅教庵院即拏庵內接

教之為首住持人等并羅教經卷一并解部等因
緣係奉

旨事理即行所屬訪拏至九月二十六日承准內閣寄
字九月初十日奉

上諭前阿齊圖等奏羅教一案朕曾面降諭旨因未將
諭旨繕寫呈覽遂爾行文各省是以其中語意多有
不符朕意之處爾等可寄信與各該省督撫知之查
羅教始於明代流傳已久其中有聚眾生事者亦有

無知附和者緊嚴不可緊寬亦不可惟在地方官隨
事因人分別輕重倡首生事者不可不懲無知附和
者量加寬宥未有盡行解送來京之理惟期化導愚
頑去邪歸正以杜蠱惑人心之漸豈可株連無辜也
著該督撫大僚轉飭州縣實力奉行善為辦理其宜
寬宜嚴之間就近酌定朕不便明頒諭旨總之不過
驅除邪教之意耳欽此

臣

跪讀之下方知前准部咨

與

旨意尚有未符仰惟

皇上愛惜人民恐民人誤入其教欲將倡首生事者治罪無知附和者寬宥期於去邪歸正此實

天恩寬大不忍株連無辜之至意

臣仰體

聖懷又即密令各府州縣細加察訪如有羅教之人不必槩行解送止令密行具稟

臣

當查明倡首附和分別奏明請

旨為此合先奏

聞謹

奏

所奏是總之罪不可縱法不可枉盡此二語而已

雍正七年十一月初九日署理江西巡撫印務太

常寺卿_臣謝旻謹

奏恭請

皇上聖安

朕安

效法田文鏡之居心涖政時刻不可懈弛務須身體力行設或陽奉陰違面是背非徒致工於語言章奏之間莫能逃朕之鑒照也勉之

同日又

奏為奏明事竊照江省各州縣有額設進士舉人貢生旗扁及新進生員花紅共銀一千五百一十六兩零歷年除支給之外其無中式進士舉人之州縣則將銀扣存而其扣存銀兩向因武場鄉試需

用供應酒筵等項銀一千餘兩無項動支遂將前
項扣存銀兩動支應用自康熙二十七年至今相
沿已久臣到任後值武場鄉試據布政使具詳前
由臣思旗扁係額編正項錢糧既有支剩自應報
部充餉今為武場鄉試之用雖係公事而歷屆奏
銷仍以進舉生貢支領全用造冊報銷實屬捏報
臣不敢因循舊例今於已酉科武場鄉試用銀三
百餘兩飭布政司於司庫耗羨內動支應用其扣

造冊

報部時將原委詳細聲明以免駁查

存旗扁等項支剩銀兩俟奏銷雍正七年錢糧時

造冊報部聽候撥解查此項支剩銀兩報部候撥

武場鄉試動用耗羨均屬創始理合據實

奏明伏祈

皇上睿鑒謹

奏
舉凡錢糧款項均應正支正銷據實辦理為是似此移
花接木積久相沿皆屬滋弊之藪亟應清理者

同日又

奏為遵

旨議奏事竊查江省鹽規銀兩前撫臣張坦麟奏請歸
公經怡親王等議將所有額規及潯贛二關平餘
銀兩酌量為各員養廉之用并酌給佐貳微員養
廉之資奉

硃批是依議行欽此

臣

查各員養廉業於耗羨內支給

惟佐貳微員前因公費不敷未經議及今查通省

自司府首領以及州縣佐雜等官現在共二百五十九員所有鹽規除解部買穀等項并裁革生辰節禮外止餘銀四千兩其二關平餘銀約三千五百餘兩若儘此支給微員養廉每員止可派給銀二十九兩似屬太少今以每員酌給六十兩計算需銀一萬五千五百四十兩應再於司庫公費內動支八千兩湊給至於督撫以及州縣各官養廉從前張坦麟因原定數目不均曾經另議

奏明但州縣官於加一耗羨內照糧額多寡分別扣
留多者至一千八百兩少者止四百餘兩多寡甚
屬懸殊臣愚以為應分大中小三等糧多地衝者
作為大縣給養廉一千二百兩糧多地僻及糧少
地衝者作為中縣給養廉一千兩糧少地僻者作
為小縣給養廉八百兩其道府各員養廉亦再為
酌量增減惟督臣與臣及藩臬二司糧鹽二道各
府佐貳等官仍照舊定之數支給統計所給銀數

原與張坦麟所議銀數相等臣謹將每年應提耗羨總數給發各官養廉之數并將餘存銀數及每年額定應用款項數目另繕清摺恭呈

御覽如蒙

俞允請自雍正庚戌年為始通飭遵行再查江省學政衙門向未給與養廉從前新進生員每名有贄儀二兩按考各屬舟車食費等又有州縣供應足以資用今學臣傳王雲將贄儀供應槩行裁革若無

養廉自屬辦理無資似亦應行支給伏候

皇上睿裁批示遵行謹

奏

閱所開款項數目辦理甚屬妥協但慮存留公費銀兩似覺太少倘遇地方有應用處必致不敷候另有諭旨

同日又

奏為要地急需能員導

旨揀補事竊照新建縣一缺係省會要區必得精明強

幹之員方克勝任查前撫臣張坦麟以南城縣知縣鮑源疏請調補新建部議以鮑源係奉

旨令督撫試看如不勝任以簡缺調補之員未准調補仍令於屬員內另行揀選奉

旨依議欽遵在案臣到任後每於通省屬員細加體訪

查有寧州知州楊廷翼釐剔弊端不避嫌怨且辦事敏捷洵屬廉幹之員仰懇

皇上俯念省會要地容臣題補新建以資助理如蒙

恩俞允寧州亦屬要缺查有原任寧州知州李化龍係
參革開復經前撫臣張坦麟疏請留江補用之員
即以補授寧州駕輕就熟亦為人地相宜臣從因
地擇人起見謹繕摺

奏請伏祈

皇上睿鑒批示以便遵

旨具題為此謹

奏

交部議覆有旨

同日又

奏為奏

聞事竊

臣

據建昌府知府楊敏稟稱建昌營遊擊陳聖

訓因南城縣知縣鮑源新任設席相延復延原委

署篆之通判梁德崇原任知縣陳廷稷并咨提來

江之原任山西蒲州知州崔佩及本營守備李璉

把總孫世祚等相陪適鮑源以審理案件遲到伊

等校射守備把總先已飲醉鮑源到時遜讓坐位
衆客推鮑源為首席詎把總孫世祚面叱鮑源以
多大知縣僭坐通判之語鮑源分辯孫世祚即出

朕

言

果

不

謬

乎

前

觀

鮑

源

殊

覺

不

安

而

張

坦

麟

尚

欲

調

因

臣

思

同

城

文

武

以

新

官

初

到

飲

食

聚

會

亦

屬

情

理

補

省

會

要

任

此

等

察

吏

伎

倆

豈

不

有

忝

封

疆

重

寄

之

常

但

因

酒

醉

罵

詈

持

刀

相

向

有

干

定例遊擊陳聖訓平時不能約束屬官亦可槩見

臣

因知府所稟與

臣

所

聞

尚

未

盡

合

一

面

移

咨

督

臣

范時繹一面檄行藩臬兩司將知縣鮑源與把總

孫世祚等是否一時酒醉起釁抑或另有別情行

陳王

章聲名何如據實具奏以聞不可火涉迎合卜度

令會查去後嗣准鎮

臣

陳王章咨稱訪聞遊擊陳

聖訓因署任與新任交代致隙設席邀飲以致爭

鬧與知府所稟亦異又經并查在案容俟查明到

日咨會督臣范時繹核叅理合先行奏

聞伏乞

皇上睿鑒施行謹

奏

此事應叅劾者

同日又

奏為請發人員以資委用事竊查江省試用知縣自
雍正六年五月准部咨發十一員來江俱經陸續
委署試用再有員缺委署乏人仰懇

聖恩揀發十員來江俾_臣得酌量委署俟試用稱職

題請補授伏乞

皇上睿鑒施行謹

奏

候揀選得人時發往

雍正七年十二月初六日署理江西巡撫印務太

常寺卿

臣

謝旻謹

奏為敬領

聖訓恭謝

天恩事雍正七年十一月二十三日

臣

標千總齋回

欽定四庫全書

硃批諭旨

卷一百三十八

十六

硃批奏摺到

臣

隨叩頭跪讀仰承

聖訓之周詳彌感

天恩之深切

臣

惟凜遵

諭旨於稽察屬吏緝查匪類等事敬謹奉行不敢易視
不敢畏難不敢一事不奏不敢一字涉虛總期言
行相符內外如一以仰副

皇上之誥誡至蒙

諭旨宜以田文鏡李衛為法二臣公忠正直事事實應

則效

臣

於上年引

見面承

天語固已刻刻在心今復欽遵

當如是矢志奮勵但捨已從人難事也須不自欺方有

聖訓必不敢自居於人後有負

實際所謂可以誠求非可以氣勝者彼丈夫兮我丈夫

聖主期望微之至意理合具摺奏

勉為之況所當效法者止一誠實無偽耳豈挾泰山以

謝并懇

聖恩賞發摺匣容隨時密封恭進

是御覽以期慎密所有奉到原摺四扣敬謹恭繳伏乞

欽定四庫全書

硃批諭旨

卷一百三十八

十七

睿鑒謹

奏

覽

同日又

奏為奏

聞事竊照來歲之豐登必視今冬之雨雪江西地畝兼
種二麥春花收穫更賴滋培茲於十一月十七十
九等日省城已得瑞雪計積五寸嗣據南康等府

陸續具報亦有三四五寸不等農民皆歡歌

帝德共樂昇平

臣

謹具摺奏

聞上慰

聖懷伏乞

皇上睿鑒謹

奏

據奏得雪分寸尚不為優渥當審察吏治化導民俗以
敬迓

天庥何乃於章奏間遂露驕矜之氣耶

同日又

奏為奏

聞事竊臣奉

旨緝拏積盜趙七一案緣有王登科供稱其昔年所隨之陳三疤子詭名趙七在揚州與洪四同住即遣標員等押同往拏隨以密札知會督臣范時繹於臨時協緝業經

奏明今據該弁稟稱陳三疤子並非趙七已於三年前身故即洪四亦於本年三月身故拘到伊子洪尚義伊甥高士明稱有胡應龍王君科二人於江湖熟悉隨又拘到胡應龍等細問稱有大盜二人一名鐵膀子李三一名鼻涕劉四慣在江湖行劫得此二人即可知趙七下落而此二人已往湖南等語該弁即就近密稟督臣遣員協同跟追該弁又於中途以江湖之大盜探問應龍知有行劫鹽

船之魏二等十四人隨在江南采石磯地方拏獲
王二煥等六盜尚有魏二等八人未經緝獲該弁
已將現獲盜犯與未獲各犯姓名交遊兵營遊擊
轉解督臣范時繹在案今該弁等又往湖南訪拏
李三跟尋趙七下落去訖所有密拏情形并另獲
盜犯緣由合再奏

聞謹

奏

此事正因汝等督撫庸劣辦理無術張揚不密致令趙
七遠颺無蹤今何從跟追緝捕耶汝等身膺封疆之寄
一任大盜公行漫無覺察朕特書姓名示知而又如是
草率從事混行塞責豈不有玷厥職若趙七終於不獲
觀汝等尚何顏忝居督撫之任也

同日又

奏為請

旨事竊照直省常平倉穀每年有存七糶三之例前因

江西倉穀虧空於雍正五年正月內欽奉

上諭將糴三之例暫行停止俟各州縣倉穀查清之後
奏聞再行欽此今計各屬倉穀共有一百一萬九千

五十四石零已經前撫_臣張坦麟查清保

題在案_臣到任後訪得各屬俱無虧空又經飭令確

查除俟取具冊結到日遵例另行

題報外惟是江西地處卑濕舊存倉穀已歷有三四
年恐致霉變而民間當青黃不接之候穀價自必

較貴應請於明年三四五等月令各州縣照市價減糶至八九十月秋收後買穀還倉庶青黃不接之時小民不致貴糶而每年更換倉儲又可無霉變之虞緣奉有倉穀查清奏

聞再行之

旨用敢具摺恭

奏如蒙

俞允容臣具疏

題請伏乞

皇上睿鑒批示遵行謹

奏

具疏題請可也

同日又

奏為遵

旨覆奏事竊_臣承准內閣寄字雍正七年九月十八日

奉

上諭湖南賣藥匪類一案據許英賢招係張天師之叔
張易珍所使前經行令張坦麟訪拏張易珍而張坦
麟奏稱遍訪並無天師之叔張易珍其人今雲南拏
獲之江自得供稱伊親至龍虎山太清宮許英賢領
見張易珍在山五月餘與易珍相見四五次是張易
珍確有其人矣爾等可寄字與謝旻令其密行訪察
如得張易珍即取供押解湖南併將鄂爾泰奏摺鈔
錄發去欽此到臣伏查奉

旨訪拏之張易珍並鄂爾泰奏摺內江自得所供之徐

祥吉臣欽奉

諭旨當即密遣的當人往龍虎山中於各道院密行偵探訪無蹤跡復將自楚解回許英賢等設法研訊堅供實係出外賣藥借名哄騙銀錢因辰沅靖道疊夾難忍信口誣供多係捏造詭名實在並無影響等語至問其江自得之蹤跡則供在滇曾遇有江子德亦有指其為建昌縣行醫之人止見一面

並未交言

臣

隨密行建昌縣訪查果有江子德在

外行醫未歸即拘伊妻熊氏訊問所供年貌住址
與自得在滇所供相符則江子德即為江自得無
疑但張易珍徐祥吉遍緝無蹤因傳嗣教真人張
慶麟到省與司道公同詢問據稱大義滅親雖父
子兄弟亦不敢匿何況族人如張易珍者實在未
聞其名何敢隱瞞自干重咎等語隨將伊家族譜
并親供及日後查出願甘滅族印結一并存案

臣

思滇省既拏有江自得供吐鑿鑿必非無因除現
准楚省咨提臣已將許英賢等遣員解赴湖南質
訊外仍一面密行訪察一面知會湖南撫臣趙宏
恩審有確據密咨到臣再為搜拏所有現在查訊
咨解緣由合先奏

聞謹

奏

類斯等事切不可因一時不得蹤跡便視為子虛俟湖

南訊明如有咨移應行擒捕人犯當嚴飭該屬詳加訪緝務獲解交可也

同日又

奏為敬陳末議恭請

聖裁事竊照江西九江一府襟帶江湖上接江南安慶池州二府下連湖廣黃州武昌二府為三省之交会沿江一帶盜賊出沒靡常蓋鼠輩明知此地為三省交界易於躲藏遇有緝拏可以東走西逸故

當行舟被失呈報到官彼此移關訪緝或耽延時
日漏泄風聲或彼界此疆膜視推諉總緣省有界
限官無統屬是以匪竊頻聞商旅受害伏查饒九
南道管轄饒九南三府向係駐劄饒州臣請移駐
於九江府其九江接壤江南之宿松望江東流等
縣接壤湖廣之黃梅蘄州廣濟興國州等州縣以
上各屬除錢糧詞訟外一切強竊案件皆歸該道
統轄平時則督率各屬沿江查察一遇失事具報

該道立刻行拏不俟關提直行檄緝庶隔省可通
姦匪皆知歛跡矣至於武職均有防守之責今九
江協現設副將一員亦請照該道之例除兵馬錢
糧外凡沿江汛守俱歸該副將管轄則文武均有
專司巡查更為嚴密臣因稽察姦匪起見不揣愚
陋敬陳末議如蒙

皇上俯允所有移駐蕪轄事宜容臣另行議

會同督臣詳議具奏

奏再查交界地面俱易藏姦不獨江省為然倘臣言

可採請

敕下直省凡分疆畫界盜賊易藏之區或道員或廳員

且將

汝本省辦理妥協行之有敘他省自然倣照而為
就近移駐一體兼轄於靖盜安民之處似乎稍有

也

裨益伏乞

皇上睿裁施行謹

奏

覽

同日又

奏為奏明事竊查南昌府知府許鎮驛鹽道魏錫祚
銜署內於雍正七年閏七月初一初二夜連被竊
刦前經署撫_臣張坦麟題叅疎防在案嗣有焦成
吉在新建縣首報盜犯沈二等竊刦之後逃往別
處即會同營員協差兵役隨路追緝直至河南安
陽縣地方拏獲沈二楊二并盜戚高姓等三名當
經安陽縣追出衣飾贓物又於本地拏獲窩犯梁
彥貴一同收禁嗣經河南將沈二等遞解來江行

至湖廣孝感縣地方盜犯沈二楊二忽於飯店扭鎖脫逃一時追拏莫獲據原役羅祥等稟稱河南界內一路撥有千總一員帶兵二十名押護一至楚省止有解役七名營兵二名等因臣隨移咨湖北督撫飭查是否縱放押令緝拏并咨會河東督臣及盜犯所供原籍地方一體查拏在案所有盜犯已獲復逃緣由理合據實奏

聞謹

奏

楚省文武員弁何乃如是疎懈已降旨嚴飭矣

雍正八年正月二十日署理江西巡撫印務太常

寺卿臣謝旻謹

奏為恭謝

天恩事雍正七年十二月十八日臣標把總齎回

奏摺蒙

欽賜御書福字到

臣

隨出郊跪迎至署恭設香案望

闕叩頭祇領訖伏念臣一介庸愚遭逢

盛世業與天下臣民共享太平之福臣又蒙

聖恩賞臣福字輝煌

御筆彩生奎璧之光璀璨

龍章寶並琳琅之重臣惟竭殫愚誠矢報涓埃念念不

忘

皇上錫福之

天恩以仰承

聖主萬年之純嘏耳為此繕摺奏

謝伏乞

皇上睿鑒謹

奏

福之與孽在人自取朕亦何能錫汝之福歲歲書賜內
外臣工福字蓋欲咸各觸目警心忠勤以植福敬慎以
保福之意切勿謬會誤解不特此也即國家之福猶賴
羣工百僚翊贊朕躬敬承

天貺也勉之

同日又

奏為遵

旨據實覆奏事竊臣欽奉

皇上硃批諭旨陳王章聲名何如據實具奏以聞不可
少涉迎合卜度欽此臣自上年九月內到任始與陳
王章識面觀其言貌頗覺有才而訓練兵丁亦能
整飭但伊用度過奢及查其俸薪隨糧每年所入

不及二千兩似不能敷其所出因留心訪察聞伊
從前拔補千把員弁經書辦謝居仁千總李時沛
說合酬儀又於各屬文員到省時王章善於交結
圖其德已以利其餽遺省城多有物議據臣所聞
聲名實屬平常理合導

旨據實陳

奏伏乞

皇上睿裁謹

奏

操守一節朕知之矣其餘聲名如駕馭屬員約束兵丁緝捕賊盜彈壓地方以及居心行事等處其道多端何得泛泛以通套數語草率具奏也

同日又

奏為欽承

聖訓恭申謝悃事竊臣於跪請

聖安摺內奉有

硃批

臣

敬謹跪讀不覺感深隕涕夫臣之於君尊如天

地親如父母

皇上不以

臣

為庸劣

訓示諄切至再至三是

聖主之期望於

臣

不啻

天地父母之殷懷栽培造就有加無已若臣猶不實心實

力事事以田文鏡為效法敢於陽奉陰違是臣自

暴自棄斷難掩飾於

聖明洞照之中

臣

已跪書

聖諭供奉密室寓目警心不敢稍有一毫懈怠之念以

圖仰報我

皇上高厚隆恩

臣

謹繕摺奏

謝所有奉到

硃批理合恭繳謹

奏

果肯如此矢志朕復何慮但恐自恃才識別有主見未

必竟以朕諭為然而心悅誠服效法田文鏡耳試清夜
逐事內省始信朕洞悉汝肺腑之不謬也朕之所以諄
諄訓諭不已者蓋恐汝不法其忠誠之本而徒於外貌
施設處倣其一步一趨不能仰邀

神明之祐助則非徒無益而有害焉勉之

雍正八年三月初一日署理江西巡撫印務太常

寺卿臣謝旻謹

奏為奏

聞事竊查江省所轄九江贛州二關臣上年抵任時正

值兩關先後報滿之候業將一年解部額稅并贏

餘銀兩據實

奏明今

臣

於兩關循環簿內細查收支各數九江徵

收船料每正稅一兩加耗銀一錢七分零又有并

封平餘銀鹽船木筏神福銀在外贛州徵收貨物

每正稅一兩加耗銀四錢五分亦有并封平餘銀

臨關零稅銀照票單銀在外除將正稅照額解足

外多者即為贏餘又將耗羨支用一切公費外多者亦入贏餘項下彙總解部至其所用公費則有起解盤纏添平飯食部科冊費以及管關委員守口丁役書吏紙張薪水工食租房犒賞等項應用俱係從前額定舊規經臣細加密訪收支數目皆屬相符謹將兩關一年之內所收正額耗銀并平餘各項以及支銷公費名色另繕清摺逐一開明
恭呈

睿鑒謹

奏

關稅之改令地方官管理罷遣京員者原為便商裕課
起見近日庸劣督撫委員每多不檢怨言載道聲名甚
為狼藉而於贏餘中又任意侵蝕即閱爾所開各項支
銷數目亦一筆花帳耳奏與不奏與稅課錢糧有何關
係嗣後當竭力整飭毋為此小事所波累而見棄於朕
也日後倘被人指摘曾奏過一語亦何能脫然免咎慎

之慎之

同日又

奏為奏

聞事竊查九江府知府蔡學顥前在永新縣知縣任內

有失察書役私收民欠錢糧一案經臣查明

題叅請

旨敕部議處惟因該員催科得法前任永新未及年半

徵完新舊民欠十萬餘兩今在九江任內又能勤

卷一百三十五
慎辦事臣仰承

皇上愛惜人才之

諭旨未經摘印候

旨定奪業於疏內聲明合先奏

聞可否留任以示策勵伏乞

睿鑒謹

奏

具題到日有旨

同日又

奏為奏明請

旨事竊

臣

查江省各營向遇奏銷造冊祭祀修整盔甲

器械帳房旗幟操演火藥等項各費俱於兵糧內

每一百名扣存五名糧銀以供支用

臣

標左右二

營與袁州九江二協從前均照南昌鎮標之例一

體扣留緣原任撫

臣

布蘭泰禁止扣用募兵補糧

營中公費皆令將備等捐墊至署撫

臣

張坦麟任

內兩協兩營會詳請復公費遂令仍照舊例遇守
兵缺出漸次扣留克用臣查營中公費均不可省
將備等官實無力捐墊應否照舊扣留以作公費
理合據實奏

聞伏乞

皇上睿鑒批示謹

奏

募補名糧而令將備捐墊公費乃係布蘭泰之謬舉案

足效法汝意若應遵循則即踵行如云不當則何不照
依張坦麟現行之例而行此等小事尚疑慮不定而奏
請於朕朕亦不知所從如何批諭耶似此利害關心是
非莫辨克類而言可謂拔一毛而利天下不為也如是
居心尚安望汝致身為國辦理他事乎封疆大吏不能
擔荷即為不克勝任未有不叢勝事務貽誤地方之理
戒之勉之觀汝光景似遺忘田文鏡之居心行事矣

同日又

奏為奏明事竊查司庫錢糧凡存貯項款理應逐一清查絲毫無容遺漏今江省司庫內所存之銀除奏報外另存歷年節省解餉水腳銀六千三百五十八兩零因司庫公用不敷蒙

皇上恩諭將江省落地稅并稅契贏餘銀八千餘兩撥存公用今此項節省銀兩應否亦歸公費內以備不時之用如有緊要動支之處均造冊報部此外更有各處城濠隙地賃民搭房居住之濠租銀每

年七百餘兩官基地租銀八百餘兩查此二項向
例支給贍雲寺看守

行宮僧人養贍并刷印

上諭及鄱陽湖所設救生船隻防湖哨船江邊各渡船
內水手工食修船工料火藥器具與臣衙門礮火
等項之用除支給外有餘剩者留為修理橋梁道
路之需理合一併

奏明伏乞

皇上睿鑒謹

奏

覽奏知道了如應咨部咨明該部存案

雍正八年四月十二日署理江西巡撫印務太常

寺卿

臣謝旻謹

奏為覆奏事竊

臣

前奏欽承

聖訓恭申謝悃一摺奉有

硃批

臣

跪讀之下不勝惶悚伏念人臣之道洵無過忠

誠二字忠誠不由於心稍有外飾即為不忠不誠之尤況誠中形外原必不能掩其不誠不忠之實

臣蒙

皇上屢頒

諭旨深恐

臣外託於忠誠而內涉於偽妄所以儆戒微

臣者至諄且切

臣敢不敬凜在心刻刻以此自勉

今封疆大吏中竭忠誠以圖報效如鄂爾泰田文

鏡李衛實為最優者鄂爾泰

臣未經相識惟於前

任江蘇布政使時

臣

家在其治下鄉人俱稱其善

李衛向與

臣

同為戶部司官知其有才今在浙江

聲名甚著然亦止得於傳聞未親見其行事若田

文鏡在河南

臣

以署布政使為其屬員一年以來

日見其公忠辦事稽查所屬執法不移

臣

久已心

悅誠服今相離雖遠而思其居心行事可法可師

臣雖無其才而願學之志實非一日也茲屢蒙

聖訓諄切

臣

惟有竭力奮發黽勉步趨以仰報

皇上教誡洪恩於萬一耳為此繕摺覆

奏伏祈

皇上睿鑒謹

奏

怡親王已仙逝汝當加勉自勵不辱所薦以保全朕賢
弟之顏面書此諭時不覺淚墮果係不及之愆自予原
恕倘犯有心之過則必加倍懲治不汝貸也勉之勉之

同日又

奏為遵

旨奏

聞事竊

臣

前奉

諭旨將南昌鎮

臣

陳王章居官聲名繕摺具

奏奉有

硃批

臣

跪讀之下不勝惶悚伏查陳王章彈壓兵弁駕

馭惟嚴操演騎射亦無懈怠遇有盜賊竊發不惜

盤費差人遍加躡訪以期捕獲惟稽察屬員每以

一己之好惡定各官之優劣是以間有未當而所屬亦未盡悅服至其居心機巧語言未能誠實行止浮夸喜以結交為事此臣半年來留心體察所稔知者也合再據實奏

聞伏祈

皇上睿鑒謹

奏

此後如有於官方甚不協處再奏以聞

同日又

奏為奏

聞事竊

臣准浙江督

臣李衛咨稱匪犯陳銓供出之呂

東陽解浙質審等因到

臣

隨令新建縣密行躡緝

今據該縣選差幹役訪明豐城縣洛溪村居住之

呂學一即呂東陽會同豐城縣役拏獲訊據呂學

一供認即呂東陽與匪犯陳銓同夥緣由具報到

臣隨經飭令審訊其江省有無夥黨去後又據該

縣詳據呂學一即呂東陽供出伊於雍正三年二月在直隸涑水縣遇見陳銓又遇有田開玉是山西榆次縣人蘓鎮山是江南淮安府人唐德是山東萊州府人高之初是江南貴池縣人因陳銓要拜弟兄各釀分金同喫血酒聽得陳銓說海上有二十一號船為首的名叫陳廷秀混名撲天飛是廣東佛山人常在浙江福建一帶海面上來往因給伊鉛圖書一箇以為記認約其到天津衛下船

赴海伊因家有妻女不捨得去嗣後遂不來往現

今江省並無夥黨等語詳覆前來臣復提該犯細

加親訊與在縣所供無異查呂東陽係浙省咨拏

質審之犯其所供情由與供出各犯是否確實應

聽浙江督臣李衛將陳銓與呂東陽質審明白臣

一面將呂東陽嚴押解浙並將供情咨明一面仍

將供出各犯分咨各省查拏徑解浙江質審外所

有訊取口供解浙與陳銓質審并密咨各省緣由

合先奏

聞謹

奏

凡遇直省似此緝捕緊要匪犯當較平時倍加慎密實力察拏務獲解交不可泛泛從事潦草辦理也

同日又

奏為請

旨事竊惟吏治貴在得人隨才可以器使我

皇上愛惜人才每於引

見各官不以一眚廢棄是以大小臣工無不踴躍思奮

以期報效

臣

查有原任廣信府鉛山縣知縣張崇

樸緣興安縣交代案內委勘不實經前署撫

臣張

坦麟據揭

題叅部議降級調用現在給咨赴部候補但該員離

任將及一年

臣

訪聞鉛山民情至今愛戴近因請

咨到省見其年力精壯人亦明白

臣

思人材難得

可否將張崇樸仍留江省遇有人地相宜之缺准帶所降之級具

題引

見候

旨補用伏祈

皇上睿鑒批示遵行謹

奏

准留江省補用仍一面咨明該部

雍正八年五月十九日署理江西巡撫印務太常

寺卿臣謝旻謹

奏為奏

聞事竊江省今歲三四月間連旬陰雨晴日無多臣恐

低窪之區田禾被淹深為憂慮率屬虔誠祈禱併

飭各屬遍加確查陸續據報各處田禾現俱茂盛

早稻已經秀出惟九江饒州南康三府濱江濱湖

一帶低窪洲地因水驟漲一時宣洩不及暫被淹

浸^臣又飛行飭查被水窮民量給節備倉穀現今

五月以來日日晴霽各處漲水全退俱已補種晚
禾插蒔完畢理合繕摺具

奏仰慰

聖懷謹

奏

亟當省察吏治訓導士民敦厚風俗以感召

天和敬之慎之

同日又

奏為覆奏事竊_臣因九江贛州二關收稅加耗并支
用公費開明清摺恭呈

御覽奉有

硃批伏查關稅原係巡撫之事雖委員分理各關而欲
上無侵欺稅課下無苛累商民總責成於巡撫_臣

緣各關距省稍遠惟恐有弊不能深悉深以為憂
是以到任以來時時察訪原不敢稍有懈怠今蒙

皇上誥誡深切訓誨周詳敢不益加整飭以期弊端永
絕除嚴飭分管道府各加查察外今又不時遣人
扮作客商搭船過關暗行密訪如訪有弊端役即
拏究官即叅處斷不敢稍為徇縱自貽扶同之咎
總惟竭盡臣心以仰答

皇上諄諄教導之至意耳所有奉到

硃批原摺合併恭繳謹

奏

凡事非言之難而行之為難試行與朕觀之

雍正八年十月十七日署理江西巡撫印務太常

寺卿

臣

謝旻謹

奏為請動公費糴買穀石以便民用以裕民食事竊
照江省連歲豐收今年更稱大有各屬穀價俱平
而南昌瑞州饒州南安贛州五府價為尤賤現今
每石自三錢三四分以至二錢七八分不等蓋緣
戶盡豐盈市鮮收買故自秋收至今民間之需銀

使用者反苦於無從糶賣臣思民用民食均所必

需酌盈劑虛似宜通變請將司庫公費支銀一萬
五千兩分給南瑞饒南贛五府知府各於本處照
現在價值乘時買穀收貯如來年青黃不接之時
價值稍貴即同存七糶三之常平穀石一體發賣
倘彼時價仍照舊則儘本省別府價貴之處運賣
外如有多餘遴員運至別省價貴之處糶賣所有
賣穀贏餘價銀一併歸於公費項下以充公用實

為有益謹此繕摺奏

聞伏候

皇上睿鑒批示遵行謹

奏

與督臣高其倬商酌為之

雍正八年十二月初四日江西巡撫

臣

謝旻謹

奏為奏

聞事竊照江省今年收成豐足米糧價賤近有山東充

州等處被水乏食貧民攜帶妻子來江趁食於南昌饒州九江等府臣行令各地方官各於境內查明人數暫令安插寺院動支節備倉穀碾米散給大口每日給米六合小口四合又大口每日給錢八文小口四文以資鹽菜柴薪之用俱令地方官親身督散每五日給發一次不至失所仍時加稽查毋致為匪今散給之始已據南昌縣新建縣共報有王永昌等大小男婦七十八名口此後再有

續到並至饒九二府者俱令一例散給統俟春和
時量給路費資其回籍所有安插散給賑恤緣由
理合繕摺奏

聞伏乞

皇上睿鑒謹

奏

已有旨矣此所辦理與朕意相符

同日又

奏為恭報開濬蓼花池口竣工事竊查南康府屬星子縣蓼花池地方為廬山九十九灣之水所蓄轉流於鄱陽湖向因出水之口堆沙擁塞田土被淹小民心力不齊不能開濬致難播種經臣

奏請於公費銀內動支八百餘兩幫給民間飯食物料之費以資開濬奉

旨交戶部存案欽此臣一面咨部一面飛飭南康府乘農隙水涸時即速挑挖并行布政司照給幫費去

後今據該府具報該地居民踴躍赴工挑挖沙土
并建橋梁於十一月十二日工竣現今積水暢流
入湖田土次第涸出來春即可播種居民感戴咸
各執香望北叩謝

天恩等情到臣除將用過銀數核明俟歲底報部外所
有竣工日期并居民感戴情由理合繕摺奏

聞謹

奏

此係地方應行事宜不過惠民之一端耳何須如是誇張

同日又

奏為酌請分貯各府庫銀仰祈

睿鑒事竊

臣

接准部咨遵

旨議將江西雍正八年地丁銀十萬兩分給各府收貯以備州縣急切公務之用仰見我

皇上體恤臣下之至意但

臣

就江省各府而論如南安

贛州二府離省各約千里吉安袁州廣信饒州四府離省四五百里不等餘俱離省不遠若於各府槩令分貯臣思此項庫銀必遇最要之公事方可動用是動用之處甚少收貯之日實長恐收貯日久守令視此項為閒款彼此營求徇庇致啟通那侵虧之漸可否稍為變通於最遠次遠之南贛吉袁饒廣六府并最衝之九江府俱有協鎮叅將大員駐劄之地將應貯之銀酌量分貯責令該管道

員不時稽察每於歲底親行盤查以期歷久無弊
其瑞州撫州臨江南康建昌五府與省會之南昌
府應貯銀兩統存司庫如州縣偶遇有急切應用
之事赴司請領原屬甚便至每年奏銷盤庫時臣
一體盤查

奏報臣因江省各府遠近衝僻不等是以將分貯銀
兩之處籌畫變通繕摺

奏請伏乞

皇上睿鑒批示遵行謹

奏

會同督臣高其倬詳細酌議具奏

硃批諭旨卷一百三十八上

欽定四庫全書

硃批諭旨卷一百三十八下

硃批謝旻奏摺

雍正九年正月二十四日江西巡撫

臣謝旻謹

奏為請更同名之縣以杜滋弊事竊惟各縣以印為憑一切案卷文冊皆必徵信於印查江西省吉安廣信二府所屬皆有永豐縣其印信篆文同一字樣並無分別共在一省之中而有相同之印倘姦

徒假借以此縣所用印信朦混於彼縣恐一時難
辨易滋弊端仰祈

皇上賜將一縣另改嘉名庶免混淆之弊至此外江省
州縣又有同名於各省者如江省有寧州而陝西
雲南所屬皆有寧州江省有長寧縣而奉天四川
廣東所屬皆有長寧縣江省有新城縣而直隸山
東浙江所屬皆有新城縣江省有龍泉縣而浙江
貴州所屬皆有龍泉縣再如江省有新昌縣而浙

江亦有新昌縣江省有德化縣而福建亦有德化
縣江省有安仁縣而湖南亦有安仁縣江省有廣
昌縣而山西亦有廣昌縣江省有石城縣而廣東
亦有石城縣江省有興安縣而廣西亦有興安縣
江省有永寧縣而貴州亦有永寧縣其他各省之
州與州同名縣與縣同名者尚多并有府與府同
名者如姦徒有意作弊則借此影射隔省更恐無
從辨察應否一併查改伏乞

皇上睿鑒謹

奏

該部議奏

同日又

奏為酌陳停運漕糧之議仰祈

睿鑒事竊惟漕糧上貢

天庾所以克裕京儲關係最鉅

臣

准漕臣咨准部咨蒙

皇上念京通各倉積貯豐裕欲紓輸將之力恤挽運之

勞又欲民間受折徵之益弁丁無停運之累以歲
運漕糧作何變通之處行令漕臣籌畫漕臣咨商
臣等定議仰見我

皇上念切民依必期立法盡善之至意臣查運漕各省

惟江西湖廣產米尤多向來隣省每於江楚糶買
江楚之民亦賴糶賣米石得價資用若令停運則
各省所存之米既多向外省糶買者必少而江西
湖廣之米糶賣無多恐於完糧資用之處稍有未

便再查弁丁以挽運為業若令停運則無行月錢糧恐其資生無策況各省糧船約有七千隻以頭舵水手計之不下十萬餘人而糧船經過之地需用剝淺短絳提溜等項人工沿途之民藉以餬口者又不下數萬此等貧民無田耕種又無手藝不無苦累再查定例每隻糧船准帶土宜一百擔頭舵水手人等亦准帶二十六擔統計糧船七千隻約帶土宜一百萬擔南北貨物多於糧船帶運京

師藉以利用關稅藉以充足而沿途居民藉此以
為生理者亦復不少若一停運則雖有行商販賣
貿遷未必能多貨物必致阻滯關稅亦恐不無缺
少再查成造糧船每隻需銀二百八兩七錢零用
至十年即應更造如一年停運每船即虛糜銀二
十兩八錢七分以各省糧船七千隻計之每年共
虛糜銀十四萬五千六百餘兩至於漕運暫停而
糧船自應仍留備用則歲造歲修之費亦難節省

臣與藩司糧道密行酌議可否於今年額徵漕米
先以半本半折徵收將糧船分作兩班循環迭運
其下運之船即令先期修艚聽候受兌不必俟上
運回空方行開兌則在民已受折徵之益而輓輸
又可_不費商賈仍資貿易貨物仍可帶運弁丁水
手人等雖有一半停運仍於下年出運亦可不至
失業至嗣後應否折半起運統俟戶部會同倉場
另行酌核盈縮請

旨定奪

臣

管窺之見是否有當伏祈

皇上睿鑒謹

奏

該部將此摺暫行收存俟總漕倉場諸臣議到一併確
議具奏

雍正九年三月初十日江西巡撫

臣

謝旻謹

奏為奏

聞事竊照田土滋培宜於雨雪江省上年冬月兩次臘

雪各有二三寸不等至入春以後正二兩月省城
春雨及時現今麥苗暢茂早稻蒔插足資灌溉併
據各府陸續具報各地方亦皆雨水調勻理合繕
摺具

奏仰慰

聖懷伏祈

皇上睿鑒謹

奏

覽江省春雨應序農事及時朕懷深慰

雍正九年六月二十四日江西巡撫臣謝旻謹

奏為奏

聞事竊照江省今年春夏以來雨水調勻經臣具

奏近自五月望後旬日不雨臣分遣標員前赴四鄉

查省回稱塘水尚可車灌農民望雨甚殷嗣於五

月二十八九六月初一等日甘霖疊沛四郊霑足

目下田禾暢茂今歲可望有秋并據各屬陸續呈

報各皆得雨前來所有江省雨水霑足情形理合
繕摺奏

聞伏乞

睿鑒謹

奏

據奏時雨霑足以手加額覽之

同日又

奏為奏

聞事竊

臣

遵奉定例將各縣常平倉穀令於青黃不接

之時糶三以濟民食通行在案五月二十一日據

上饒縣詳報姦民姜天佑等八人率衆赴縣強借

倉穀等情經

臣

批飭查拏去後隨經密訪緣上饒

縣倉書張德懋串同斗級張亮等乘糶倉穀私有

勒索又串通龍岩房高得玉徐達生二人多糶倉穀

囤積以致衆心不服羣欲將張德懋毆打德懋隨

躲至高徐二家衆人趕進見有囤穀遂共搶穀五

石二三斗搬貯縣堂挾制強借致有閹閹

臣

思倉

書勒索龍房囤積姦民強借均屬不法已行藩臬
二司將倉書斗級及姦民人等提審業據詳報將
姜天佑等拏獲收禁俟審得實情分別究擬叅處
外理合繕摺奏

聞謹

奏

將此案執法完結隨當就事訓飭闔屬愚氓咸知有所

懲艾務須通行曉諭反覆開導令各懷凜惕之心庶免再犯之慮斯乃善政宜諄諄留意者與其干法後齊之以刑何如於無事時先為道之以德也

同日又

奏為遵

旨覆奏事竊臣據按察使樓儼鈇錄

奏摺一件請定藩臬兩司新任展限之例奉

皇上硃批諭旨宜商之於該撫若意見相符具題請旨

可也欽此

臣

查督撫新任與州縣新任均有展限之

例藩臬兩司分管通省之錢穀刑名雖不同於督

撫之兼管而事務繁多實有十倍於州縣者若新

舊更替之時稽查尤為非易倘以限期迫促失於

草率不無錯誤誠宜展其限期俾得從容辦理

臣

隨咨商江南督

臣

高其倬接准咨覆江南上下兩

江藩臬兩司新任署任俱扣展限一月現在遵行

等語

臣

思此例已行於江南而江西未奉通行是

以向來藩臬兩司新任俱未展限令欽奉

諭旨除據布按兩司會詳恭疏具

題請

旨敕部議奏并請將知府一例同展限一月外所有樓

儼鈔奉

硃批奏摺

諭旨緣臣與樓儼所見實同謹繕摺奏

聞伏乞

皇上睿鑒謹

奏

覽奏已悉樓儼之居心行事如何并其精力如何之處據實奏聞密之

同日又

奏為奏

聞事雍正九年五月二十一日晚三更時分南昌省城

章江門外居民失火

臣

立即率同文武員弁督領

兵役攜帶救火器具前往撲救是晚北風甚大延
燒民房四百餘間并江邊之滕王閣亦被燒燬惟
閣門之內有

聖祖仁皇帝御書滕王閣序石刻碑亭並無纖毫損壞當
查人口亦未損傷隨經檄行藩司將被火居民分
別賑恤并将地方官職名照例咨參在案臣思滕
王閣有

御書石碑為省會觀瞻之所容臣酌量設法另圖重建以

復舊觀所有居民失火及延燒滕王閣緣由臣謹
繕摺奏

聞謹

奏

古閣固宜重修非急務也徐徐為之

雍正九年八月初八日江西巡撫臣謝旻謹

奏為奏

聞事竊查江省學臣傅王雪性本拘迂識非明察近聞

其考試撫饒二郡所取童生多有物議臣細加察訪緣有學臣差役胡天秀朱象昆等勾通學臣幕內親屬家人欺瞞作弊現有臨川縣取進童生李敷奏為人指摘經教官熊淑藻稟知學臣始將承差胡天秀學書熊宗紀各皆責處李敷奏除名而朱象昆尚克承差未經責革臣查學臣傅王霽拘謹自持雖無苟且實跡而關防無術未免約束不嚴以致書役招搖輿論不協臣又聞饒州教官夏

懋欽誑稟學臣以取進覆試童生試卷應用學印公然出示令諸童赴學勒索硃儀貧生苦累不堪學臣亦無覺察臣現在行查俟查明咨革究擬外所有學臣考試致有物議緣由理合恭摺奏

聞謹

奏

有旨諭部矣

同日又

奏為奏

聞事竊照江省各屬早稻現在俱經收穫今歲春夏以來雨水調勻是以皆獲有收臣行據布政使報稱

南昌府屬收成十分者十之二九分者十之三八分者十之三七分者十之二瑞州府屬收成八分者十之八七分者十之二袁州府屬收成十分者十之一九分者十之三八分者十之四七分者十之二臨江府屬收成十分者十之一九分者十之

三八分者十之六吉安府屬收成九分者十之三
八分者十之五七分者十之二撫州府屬收成九
分者十之四八分者十之三七分者十之三建昌
府屬收成十分者十之二九分者十之五八分者
十之三廣信府屬收成九分者十之二八分者十
之四七分者十之四饒州府屬收成十分者十之
二九分者十之三八分者十之三七分者十之二
南康府屬收成八分者十之五七分者十之五九

江府屬收成九分者十之二八分者十之六七分者十之一六分者十之一南安府屬收成九分者十之五八分者十之四七分者十之一贛州府屬收成十分者十之二九分者十之四八分者十之四至於市賣米價南昌瑞州袁州吉安撫州建昌南康等七府每石自六錢八九分至九錢五六分不等臨江南安贛州等三府自五錢四五分至六錢七八分不等廣信饒州九江等三府自七錢五

六分至一兩四五分不等再查各屬晚稻據報亦俱暢茂容俟秋成後另

奏外所有早稻收成分數并現今各屬米價理合繕摺奏

聞伏乞

皇上睿鑒謹

奏

覽江省早稻收成及米價情形朕曷勝額慶

同日又

奏為請

旨事竊臣查九江府屬德化縣地方有石閘一座緣該縣有封一封二等鄉沿江近湖地形窪下向虞淹沒是以前明萬厯年間官買嚴姓之地建築石閘名為嚴家閘不特化邑田地旱澇藉以蓄洩而楚省黃梅蘄州之田亦資其利但歷年已久民間每歲雖亦畧加修葺而閘身欹側閘底罅漏居民惴

惴常恐江流湍激一時倒塌則田地廬舍俱有淹
浸之患況其地又係往來驛路行人艱阻亦多不
便該地士民屢欲拆卸重建每因心力不齊因循
中止茲呈縣具詳到臣經臣批司查勘據布政司
委九江府親勘前情洵宜急為修築併據估計工
料約需費銀一千六百兩仰懇

天恩准於司庫銀內照數給發趁今冬水涸之時委令
該地守令等官辦料鳩工重新拆建務俾堅固以

垂久遠如蒙

俞允容俟修竣之日將用過銀兩造冊報部臣謹繕摺
請

旨伏祈

睿鑒批示遵行謹

奏

當軍需浩繁之際汝等封疆大臣亦宜為國家念及類
此地方事宜固係應為於汝等公用項下措辦則可請

動司庫銀兩殊屬大誤矣

雍正九年九月初四日江西巡撫臣謝旻謹

奏為奏明事竊臣准部咨令於江省民人內揀選人

材壯健技勇可觀者五十名咨送兵部隨檄各屬

召募揀選臣復出示廣行勸募併他省現在江省

之人有願赴挑用者亦令入選嗣據各屬陸續送

到經臣會同司道逐加考驗已足五十人之數遵

照部文動支司庫公項每名先給製備行裝銀六

兩又各給銀二十四兩為雇騾盤費之用現在委
員伴送於九月初十日起程由陸路赴京臣又查
有原任南康營守備蕭公讓先因星子縣民沈淑
仁家被盜案內以扶同報竊革職又有原任建昌
營守備李璉先因該營把總孫世祚與南城縣知
縣鮑源在遊擊陳璽訓署內會飲角口案內牽連
革職俱經審結准有部覆正在給咨回籍間先據
各呈稱願在五十人之內充數赴部臣緣部咨內

並未議將廢員收入是以不敢遽令充數後據伊等呈稱願自備鞍馬前往軍前效力臣見其人材壯健弓馬熟嫻仰體

皇上愛惜人材之

聖心不敢壅於上

聞隨令與委員等管領五十人一同赴部并於咨部文

內聲明外理合恭摺

奏明可否准其效力伏乞

皇上睿鑒敕部施行為此謹

奏

蕭公讓李璉二人到京之日交辦理軍需大臣處候旨

同日又

奏為遵

旨覆奏事竊

臣

前奉

硃批樓儼居心行事如何并其精力如何之處據實奏聞密之欽此伏查按察使樓儼於上年十一月到任

硃批諭旨

臣見其履歷開寫年六十三歲恐其年力就衰精

明不足臬司為通省刑名總匯關係非輕每於案

言樓儼誠實汝誤矣

件申詳留心體察知樓儼居心誠實行事謹慎精

力雖非強健亦尚不至衰邁凡遇案件猶能虛衷

研鞠不厭推求多有平反但明刑之道貴在平允

若言

忠厚更誤矣留心試看汝自知之其遇事用寬不

樓儼為人忠厚遇事過寬臣屢經砥礪邇來亦能

過假

仁慈以沽名譽耳非出自本心也

勉力振作所有覆

奏樓儼緣由理合據實繕具密摺奏

聞伏乞

皇上睿鑒謹

奏

覽

雍正十年正月初二日江西巡撫臣謝旻謹

奏為奏

聞事竊照江省連年雨水調勻收成豐稔民皆樂業茲
於雍正九年十二月初八初九兩日省城得雪四

五寸至十五六七等日又共得雪一尺一二寸并
據各屬陸續報稱各處皆得雪五六七八寸不等
農民慶幸咸稱為來歲豐年之兆所有江省得雪
日期理合繕摺奏

聞謹

奏

江省得雪情形以手加額覽焉

雍正十年二月十六日江西巡撫

臣謝旻謹

奏為請留熟悉風土之員以收吏治之效事竊查原
任吉水縣知縣黃雲因永豐縣叅革知縣沈儼案
內以驗傷不實部議降一級調用奉

旨令_臣等將伊居官如何之處出具考語送部引見欽

此_臣緣黃雲居官謹慎業經會同署督_臣尹繼善

咨送吏部引

見其應作何補用之處自在

聖明洞照之中但該員在江日久熟悉風土倘蒙

聖恩仍令來江遵

旨補用洵於地方有益再原任餘干縣知縣程光鄂係

前撫臣布蘭秦以不職

題叅之員嗣經督臣高其倬審明部覆准其開復在

案因該員請咨赴補來謁臣見其為人明白在江

已久風土民情均所熟悉又據布政使李蘭稱其

在任之日催科有術新舊錢糧俱無掛欠可否仰

懇

皇上將程光鄂准留江省遇有相當缺出容臣另疏具

題送部引

見候

旨補用以上二員臣因地方得人起見用敢繕摺

奏請伏乞

皇上睿鑒批示遵行謹

奏

該部知道

雍正十年三月十五日江西巡撫

臣謝旻謹

奏為請

旨事竊查布政使李蘭操守廉潔才識敏達綜核錢糧
極為詳慎稽察屬吏亦為嚴明緣有前署撫臣張
坦麟改換寧都縣民羅天榮等供詞一案經司換
詳部議李蘭降三級調用因新任布政使伊拉齊
在江南清查積欠未竣奉

旨仍著李蘭暫行管理臣查通省錢糧自康熙五十四

年至雍正七年共積欠銀三十八萬八千餘兩恐有官侵吏蝕託詞民欠情弊因商同該司分委各員一面清查一面帶徵至上年歲底計算除叅出各官虧空一千二百餘兩并查出吏役侵蝕銀二千一百餘兩現在勒追外業已帶徵完過銀二十八萬七千餘兩其餘未完積欠尚在清查數月之內可以竣事近聞伊拉齊於署兩淮鹽政任內奉旨解任出缺安徽按察使王紘奉

旨陞補江西布政使新司到任伊邇李蘭自應交代赴部另補但清查積欠姦胥蠹役諸弊叢生李蘭熟悉弊端實能釐剔今若於將竣之時另換生手恐一時頭緒難清致稽時日又臣近經

題請將九江關量船定稅奉

旨俞允現在舉行是丈量船隻之事亦正資其協助可否仰懇

聖恩暫將李蘭留任數月俟事竣之日赴部候補臣從

慎重錢糧起見是否可行伏乞

皇上睿鑒施行謹

奏

李蘭准暫留江西協同王紘將清查積欠等事辦理完竣再令赴京

雍正十年閏五月初七日江西巡撫_臣謝旻謹

奏為奏

聞事竊照江省今歲春夏以來雨水均調二麥秀實茲

遇各屬收成之際

臣

行據布政使王紘報稱南昌

府屬二麥收成六分者十之五七分者十之一八分者十之四瑞州府屬七分者十之六八分者十之四袁州府屬五分者十之二七分者十之四八分者十之四臨江府屬七分者十之五八分者十之五吉安府屬六分者十之五七分者十之四八分者十之一撫州府屬六分者十之七七分者十之二八分者十之一建昌府屬七分者十之一八

分者十之七九分者十之二廣信府屬六分者十之四七分者十之四八分者十之二饒州府屬六分者十之一七分者十之四八分者十之四九分者十之一南康府屬六分者十之三七分者十之三八分者十之二九分者十之二九江府屬七分者十之五八分者十之五南安府屬六分者十之四七分者十之四八分者十之二贛州府屬六分者十之五七分者十之四八分者十之一所有各

府屬二麥收成分數謹繕摺奏

聞伏乞

皇上睿鑒謹

奏

前據報稱冬雪霑足春夏雨水又復均調何乃麥收分數至於薄減閱各府所屬未有一處至十分者今日之奏實則前日之報未免涉虛二者必有一草率不確處明白更奏以聞

雍正十年六月十五日江西巡撫臣謝旻謹

奏為請

旨事竊

臣

管理潯贛兩關夙夜思維非但弊竇亟宜剔

除即浮費亦應稽核

臣

查兩關每年起解贏餘銀

兩皆係委雜職官同該管家人雇覓騾頭馱載赴

部每解銀一萬兩約用腳價盤費銀一百餘兩即

在贏餘項下扣支歷來相沿不由驛遞撥運

臣思

兩關正額除贛關抵充贛鎮兵餉外潯關每季正

額俱由驛遞撥夫運解今贏餘銀兩均係解部錢糧乃舍長設之站夫而用雇覓之騾脚此項解費實屬虛糜臣請嗣後起解贏餘照依起解正額之例亦由驛站撥夫擡運非但前項糜費可以裁併贏餘而一鞘兩夫悉係在官人役更可沿途照看

不致踈虞且每關一年止解一次仍於驛遞毫無

苦累所有贏餘銀兩請由驛站起解緣由臣謹具

奏伏乞

睿鑒批示遵行謹

奏

汝酌量合於是當而為之

同日又

奏為奏明拏獲匪犯家屬事雍正十年五月二十七日准廣東撫臣密咨內開已獲妄稱玉龍太子匪犯的名曾合流寓廣西梧州府一帶地方分散符劄研訊曾合供係江西會昌縣人居住土名案頭

地方有父曾唯母高氏長子祖祐次子文昌仔現在原籍合咨密拏等因到臣即密行司道府各

官飛著該縣查拏去後隨據會昌縣詳報於閏五

月初七日已將曾合之妻高氏長子祖祐媳吳氏拏獲收禁其父曾唯母高氏次子文昌仔俱久經

亡故緣該犯流落在外已經多年不通音問故於

無論

伊知與不知叛逆眷屬理宜從嚴毋致稍有疎忽本鄉家屬茫然不知搜查家產止有破箱舊衣并

住房三間俱點明封記等因臣一面咨覆廣東一

面復行按察司嚴查該犯係何年月因何事故出
赴粵西平日果否並無音信來往本籍有無匪犯
夥黨家資有無隱漏再行逐一查明取結另報外
所有拏獲匪犯家屬緣由理合奏

聞謹

奏

覽奏知道了

雍正十年十月十一日江西巡撫

臣謝旻謹

奏為奏

聞事竊照江西贛橋關雍正九年稅務經臣

題委吉贛南道王世繩接管自該年九月十六日起

連閏扣至雍正十年八月十五日一年之期已滿

除將正額稅銀四萬六千四百七十一兩零准部

咨照例撥充虔鎮兵餉外所有該關贏餘銀共五

萬五千二百三兩零現在委員領解交部轉繳

內庫理合繕摺奏

聞伏乞

皇上睿鑒謹

奏

江西贛橋九江等關稅務向聞積弊相沿甚欠妥協近
日較前稍覺整理否據實奏覆毋得絲毫隱飾當嚴飭
該管人員將病商累民之處搜剔屏除務令弊絕風清
不得明革暗取陽奉陰違倘被朕別有所聞其咎仍歸
於汝也

同日又

奏為奏

聞事本年八月十六七八等日大雨連朝溪河水發有
臨江府屬之清江新淦新喻等三縣沿江一帶低
窪田內晚禾被淹經臣另疏

題報外尚有吉安府屬之龍泉萬安兩縣南安府屬
之崇義南康上猶三縣亦因山水驟湧溪邊居民
房屋豆麥棉花皆有衝塌淹浸其因倒屋壓死者

男婦共五名口幸於水發之後隨長隨消田稻被
浸未久間有沙礫壅塞之田畝亦屬無多臣將節
備倉糶存穀價動銀二千兩分委各員各令帶銀
前往按其倒塌之房舍計其田地之種植并壓斃
之人口逐戶按名分別賑恤務俾被水窮民不至
失所以廣

皇仁至晚禾收成雖分數不無稍減而被水止在沿溪
一帶勘不成災是以未同清江等三縣一例

題報臣謹繕摺奏

聞伏乞

皇上睿鑒謹

奏

當嚴飭委員竭力奉行務令小民均沾實惠毋致虛應
故事更須加意訪察各該有司撫恤之勤惰以別其優
劣

雍正十年十一月十五日江西巡撫臣謝旻謹

奏為請

旨事竊

臣

於雍正八年查江省歷年錢糧自康熙五十

四年起至雍正七年共積欠銀三十八萬八千餘

兩恐有官侵吏蝕借稱民欠等弊行令布政使李

蘭一面催徵一面委員分往各縣按圖逐戶徹底

清查至本年三月因李蘭降調經

臣

奏請留江協查蒙

恩允令協同新任布政使王紘辦理今經查明計已完

過積欠銀三十萬六千餘兩未完銀八萬一千餘
兩其未完銀內除豐城清江新淦三縣沙荒缺額
無徵銀二千一百九十餘兩現飭確勘查核分別
詳議另

題外查有書役侵收并總催戶首人等私收共銀三
千一百餘兩具勒令一年通完其實在民欠尚有
新淦等十一縣積年未完銀共七萬六千餘兩應
即勒令速完但念積欠已久若將一十五年之欠

概令完於一年之內民力既恐難紓而現在經徵之官徒受處分似亦無益可否仰懇

皇上天恩准以分年帶徵則民力紓而官催易舊逋既可陸續通完新糧不難依限上納似於

國課官民均有裨益如蒙

聖恩俞允容

臣另疏

題請

臣

謹將積欠帶徵緣由繕摺奏

聞伏乞

睿鑒批示遵行謹

奏

分年帶徵之處具疏題請可也

雍正十一年正月十八日江西巡撫

臣謝旻謹

奏為奏

聞事竊照江省上年入冬以後於十二月初二日得雪
自午時起至次日辰時止入土三四寸五六寸不
等本年正月初三初四初九等日連得雨雪入土

四五寸至六七寸不等查據各屬陸續具報并稱
現今高下田地俱各潤澤麥苗油菜發生滋長等
情到

臣理合繕摺奏

聞伏乞

皇上睿鑒謹

奏

江省雨雪接續情形以手加額覽焉

同日又

奏為遵

旨覆奏事雍正十年十一月二十六日

臣標把總齎回

奏報贛關贏餘稅銀原摺奉有

硃批仰見我

皇上愛民恤商至深至切

臣

跪讀之下不勝悚惕伏查

江西兩關徵收錢糧有正稅有耗羨每年遵照定

額解部外多者為贏餘解部轉交

內庫此外尚有平餘銀兩係正稅贏餘兩項歸併彈

兌多出之數贛關每年有平餘銀三百餘兩九江

關每年有平餘銀三四千兩不等經

臣

奏明解貯司庫同鹽規銀湊給微員養廉備用在案

該關又有鹽船木筏給與關役之陋規名為神福

每年約計銀二千餘兩

臣

到任後查各役已給工

食豈可仍聽其收受故將此銀亦併入平餘項下

彙解司庫備用每年奏銷時同各項存公銀兩一

併盤查

奏報此

臣

經管兩關徵解之大畧也贛關向照貨物

抽稅零星揀查不無瑣屑又有則例不載比照上

納者商民難於通曉自雍正二年欽奉

上諭將稅則刊刻木榜豎立關口俾各商一望而知嗣

因字跡模糊重加鐫刻將比照之例一併刊入已

無關蠹蒙蔽之弊其上稅時有書役飯錢押差插

籌口岸照票巡欄查艙并算數等項名色

臣

酌其

必不可少者量存一二仍減定數目毋許多收餘

皆禁革其九江關例稅船料從前船隻到關俱由書吏隨口喝報得以高下其手經臣

題請丈船納稅可杜其弊但緣商民難與圖始初丈之時船隻稍有守候不無繁言今行之既久各船到關照額上稅不受關役欺蔽皆稱利便臣又因向來兩關稅簿俱用關印恐有更換遺漏改用臣

衙門關防按季送核以杜多收少解并嚴禁地棍包攬以免誑騙科索而委管贛關之吉南贛道王

世繩委管九江關之廣饒九南道劉均俱奉職惟
謹實心任事至臣總理關務上關

國課

臣

固不敢稍存利己之念以啟侵漁中飽之端

無私

二字亦豈易言已雖不肯染指倘稍涉市惠徇情

亦不敢以一己無私遂謂臣職已盡惟隨時訪察

仍不

免於私也惟隨時隨事訪察稽查斯為正論

隨事稽查總以儘收儘解纖悉盡歸公帑仍當嚴

飭該管人員盡除病商累民之弊斷不敢少有隱

飾上負

皇恩自罹重譴也所有料理兩關緣由理合據實覆

奏伏乞

皇上睿鑒謹

奏

若照所奏有何可諭必實能如是方於奉公恤商兩無愧也

雍正十一年三月十六日江西巡撫臣謝旻謹

奏為請

旨事竊照江省上年原屬有收近緣江浙兩省米價騰

貴商販絡繹以致江省米價日增現今省城每石
賣至一兩二三錢不等而隣省之遣員前來購買
者又接踵而至臣既不敢不為隣省通其有無尤
當為本省人民計其粒食恐米價日貴貧民買食
維艱查江省常平倉穀并易漕之穀分貯各縣者
共有一百二十餘萬石向例於青黃不接之時存
七糶三接濟民食今當米價稍貴可否仰懇

皇上天恩不拘糶三之例准令各屬酌量糶賣或十之

四或十之五總以不得過半為率統於秋收時買
補則目前平糶稍多既可廣濟貧民而將來易新
還倉似於積儲亦有裨益如蒙

俞允容

臣

於買補還倉疏內聲明

題報是否可行伏乞

睿鑒批示為此謹

奏

因時制宜酌量為之

雍正十一年五月十六日江西巡撫臣謝旻謹

奏為奏

聞事雍正十一年四月二十八日據南安府申報附郭之大庾縣因四月十七日大雨連宵山水暴發十八日清晨城內水深五六尺至本日申刻漸退官民房屋人口田畝皆有衝壞等情臣即商同署布政使宋筠飛飭贛南道王世繩往勘情形督同該府縣查明被淹田屋人口數目即令動支贛關義

倉存穀照上年崇義等縣被水之例作速散賑務俾不至失所去後五月初十日復據該府查報該縣淹斃男婦二十六名口衝倒瓦草民房約計一千餘間衝壞田禾約計一千五百餘畝又所屬之南康縣因接壤大庾溪流泛溢衝塌民屋七百餘間人口田禾俱無淹壞等情又據贛州府申報所屬之信豐縣亦於是日水發居民房屋衝倒約計一千餘間壓死幼孩二名沙土壅壓田禾約計一

千餘畝等情

臣

俱飛行該道王世繩逐加查勘一

體散賑其衝壓田禾亦酌給工本勸令開挖補種

晚禾外

臣

正在繕摺具

奏間復於五月十五日據撫州府屬之崇仁縣吉安

府屬之吉水永豐二縣臨江府屬之新淦縣各報

本月初九初十等日山水驟發沿溪村落俱被水

淹房地人口皆有損壞容俟查實另報等因

臣

又

委員攜帶公項銀兩星夜前往分路確查撫恤并

查附近各縣有無被水如有成災之處另疏

題報所有各屬先後被水情由理合奏

聞伏乞

皇上睿鑒謹

奏

似此撫恤之舉務令災黎獲沾實惠方為有益若但虛
應故事委卸屬員一任不肖輩就中開銷以及姦胥蠹
役乘機舞弊侵蝕中飽朕有所聞則罪歸於汝也詳慎

為之

雍正十一年六月二十八日江西巡撫臣謝旻謹
奏為奏

聞事竊照江省大庾南康信豐崇仁吉水永豐新淦七
縣被水臣據各屬具報先經繕摺恭

奏并聲明委員勘賑在案續據峽江清江豐城南昌
宜黃樂安等六縣亦報被水又經委員勘賑嗣據
各委員會同各該縣具報此番被水惟崇仁永豐

吉水新淦峽江等五縣為獨重共計淹斃人民九
百餘口衝塌淹浸房屋五萬餘間臣聞報驚駭深
愧奉職多愆致民有此水厄隨商同署布政使宋
筠酌定銀穀賑數多差幹員攜帶存公銀兩分往
各縣并檄行各該地方官動用倉穀公同委員分
路查勘隨查隨給銀穀並賑如穀不敷用即於隣
縣動撥協濟今於六月二十六等日據各委員具
報照依賑恤之數核算大小人口計日給發以早

稻登場之日為止酌給銀兩收掩遺骸資葺房屋
現在人民有補種晚稻者有改種雜糧者房屋亦
經修葺已無流離失所其餘各縣淹斃人口倒塌
房屋俱為數無多臣亦飭令一概賑卹以上各縣
動用倉穀多者約至四五千石少者一二百石所
給銀兩多者約至二三千兩少者二三十兩不等
統於賑畢後造冊報銷除南康信豐二縣被水甚
輕勘不成災外餘俱遵例具疏

題報俟查明分數另行具

題仰惟

皇上軫恤民瘼痼痼念切合將分別被水輕重賑卹緣
由恭摺奏

聞伏乞

睿鑒謹

奏

加意撫恤不可有名無實草草塞責江右境內屢見災

胥汝等之不合

天心弗問可知即朕誤用之咎亦何辭以謝亟宜返身自

省愼之愼之

雍正十一年七月二十八日江西巡撫

臣謝旻謹

奏為覆奏事雍正十一年七月初四日

臣

標把總齎

回五月十六日恭報各縣被水原摺到

臣

奉有

硃批諭旨

臣

跪讀之下不勝惶悚伏查

臣

先據各縣報

水業於六月二十八日將委員攜帶銀兩飭令動

支倉穀查勘賑給緣由恭摺

奏明隨於六月二十九日具

題在案嗣經奉到

硃批仍恐委員虛應故事或有浮冒開銷以及胥役中

飽等弊臣又密令誠實人員細加察訪據各回稱

訪得各處災民領賑之數與報賑之數皆屬相符
被水之民莫不歡呼感戴仰頌

皇仁現在並無失所等情除將各縣是否成災確核分

數另疏具

題聽候部議外其各縣賑卹之處業據布政司轉據
各員開報淹斃男婦人口分別大小及有無親屬
酌量多寡給令收瘞衝塌屋宇分別瓦房草舍及
有無存剩屋料酌量多寡資令修葺被災人民分
別人口大小及有力無力酌給口糧資令接熟又
如田畝勘不成災水退補種須用人力者亦酌量
資給以上各項通共給銀八千七十六兩有零穀

二萬二千二百四十石有零統俟另行分別

題咨報銷所有賑卹數目及查無冒銷中飽緣由理

合具摺奏

聞伏乞

皇上睿鑒謹

奏

雖據奏稱查無冒銷中飽等弊然該縣賢愚各異而被淹人口又多寡不齊其間或稍不妥協皆惟汝是問也

同日又

奏為欽承

聖訓謹瀝

臣

衷仰祈

睿鑒事竊

臣

據江西署布政使宋筠將該司報水

奏摺欽奉

硃批諭旨敬錄傳示到

臣

跪讀之下不勝惶悚伏念

人生之本惟忠與誠稍有不忠不誠不可以問心

即不可以對

天不可以對

皇上也

臣

才識庸愚謬膺重任惟恐奉職多愆時時反

躬惕懼蒙

皇上提撕警言戒示以忠誠

皇上之訓

臣

者如此其切勉

臣

者如此其至

臣

敢不仰

體

聖心益加自勵惟有勉同宋筠等永矢精純不務名而
務實盡除顧慮不問迹而問心將利害之見悉去

忠誠之志益堅以期仰報

天恩於萬一耳

臣謹將凜遵

聖訓微忱恭摺

奏覆伏乞

睿鑒謹

奏

夫誠者真實無妄之謂忠者內盡其心而不欺之謂皆
非可以言說見也汝此奏仍不過口頭禪耳烏足取

同日又

奏為奏明存庫耗羨等項銀數事竊照江西司庫存
公銀兩_臣於每年奏銷盤查時將耗羨及各項充
公等銀一併盤明歷經

奏報在案今雍正十一年奏銷雍正十年錢糧照依
往例親赴司庫逐一盤查俱無虧缺除正項錢糧
會同督臣

題報奏銷其耗羨等銀自雍正二年至雍正十年支

用細數遵例於歲底造冊送部外所有現存各項
共銀一十七萬一千五百八十六兩零臣謹繕具
清摺進呈

御覽伏乞

皇上睿鑒謹

奏

覽奏知道了母因存庫饒裕而涉於濫用

雍正十一年九月初六日江西巡撫臣謝旻謹

奏為奏

聞事竊照江西按察使孫詔於本年八月初二日到任
即於初五日患病據醫生云係內傷外感之證迄
今一月有餘客病雖已稍退而身體虛弱難於即
痊不能坐堂理事臣查雍正六年十月欽奉

上諭嗣後督撫等倘有一時患病難以辦事者不可勉
強支持即著一面奏聞一面將印務酌量委人署理
俾得安靜調攝則所患自然易於痊可足以慰朕體

恤臣工之至意若兩司中有似此者著該督撫仰體
朕心亦酌量委員代辦具摺奏聞欽此欽遵在案今
臬司孫詔患病不能速愈臣自當仰體

皇上愛恤臣工之至意委員代辦俾得安靜調攝以期
痊可緣布政使宋筠先經署理臬篆辦事詳慎臣
是以委令暫行代辦一俟孫詔病痊即令自行辦
理臣謹恭摺奏

聞謹

奏

此奏是孫詔多令調養數時毋俾勉強從事如應達部
咨部存查

雍正十二年正月初八日江西巡撫

臣謝旻謹

奏為奏明事竊照江省司庫存公銀兩前因每年存
剩無多恐有一時需用之事未免不敷荷蒙

皇恩將雍正八年稅契銀七千八百五十三兩零撥存
司庫以備地方公用欽遵在案今查司庫公項歷

年支剩現存銀一十七萬餘兩似可敷用前項原撥稅銀至今未有支動臣思稅銀原係解部錢糧公項既敷似應仍行解部可否容臣咨明戶部聽候撥解臣謹繕摺具

奏伏乞

皇上睿鑒批示遵行謹

奏

公項既稱敷用照例仍行解部可也

雍正十二年四月初六日陞任江西巡撫臣謝旻

謹

奏為奏

聞事竊照江省因匪犯黃森官等一案查拏餘黨各屬
遇有面生可疑之人隨即嚴行盤詰今據奉新縣
盤獲道人一名姓朱名一如瑞州府高安縣人因
其言語支吾搜查行李內有布包木板一塊寬長
僅止寸餘上刻山川射稷久久一定八字背面刻

堯紀龍三字又有殘缺推背圖一本形跡可疑似
非善類差押解省隨發南昌府細加研訊併飭密
行高安縣確查該犯的實住址姓名有無親屬平
日作何生理有無為匪蹤跡去後茲據南昌府呈
報經高安縣拘到該犯族隣訊明該犯年四十歲
原名姚長政因出家改名朱一如有妻朱氏有子
二人現住高安城內該犯向曾開店賣藥於雍正
元年出外浪游往來無定今年二月到家賣田不

遂復即他往等語質之朱一如供亦相同至詰其所攜木牌來歷據稱伊於雍正元年赴四川峨眉山出家其師號德正道人姓劉在峨眉山打坐一百二十多年現今約有一百五六十歲布包木牌即係德正道人所給令伊於雍正十二年八月內往江寧賣藥遇楊一道人來會時開拆詰其木牌所刻字跡是何隱語社字何以刻作射字楊一道人住居何處會見欲作何事因何已經開看據稱

德正道人止說木牌是講坐功却病之法並未說
有何隱語亦不知刻作射字緣故楊一道人原想
到江寧訪問實不知其住處因向有痰疾德正原
說會見楊一道人將木牌開拆病即可愈上年患
病不好所以即行開看詰其殘缺推背圖來歷據
稱是上年六月在奉新上富地方將十餘文錢向
杜姓算命老人買來查提杜姓算命之人隨提到
伊子杜希登據供伊父名杜應邦今年有七十六

歲已於上年十一月內病故向曾在上富地方擺
桌子算命其有無賣給朱一如圖本伊係不識字
之人並不知道等語詰訊朱一如何故行蹤無定
因何來至奉新且攜帶禁書明有為匪情事據稱
窮苦遊方行醫度日原無一定住處今年二月間
奉新白雲菴有田可住到菴數日回家欲賣田買
牛因妻子不肯仍回菴來隨即被拏并云一向患
病如此模樣豈能做得匪類等語嚴訊至再矢口

不移並不知有散劄為匪之事錄供呈詳到

臣臣

查朱一如雖無為匪實據但隱匿名姓行蹤詭秘
木牌圖本字義不倫未便輕縱除密咨四川江南
督撫查獲德正道人及楊一道人訊供移覆再行
確究外所有盤獲人犯緣由理合繕摺奏

聞伏乞

皇上睿鑒施行謹

奏

此二道人料非善類俟各該省獲解到日嚴訊自明



硃批諭旨卷一百三十八下

欽定四庫全書

史部
硃批諭旨卷一百三十九

臣
永瑤恭校

編修
臣
裴謙覆勘

總校官中書
臣
朱鈐

校對官中書
臣
徐步雲

謄錄監生
臣
郭洽怡

欽定四庫全書

硃批諭旨卷一百三十九

硃批宋筠奏摺

雍正六年八月二十四日巡察山西等處戶科掌

印給事中臣宋筠謹

奏為據實陳明仰祈

睿鑒事竊臣欽承

簡命巡察全晉於本年六月二十四日入境自省城太

原府陽曲縣起備查臣所應行切要事件及經過
州縣地方凡有見聞不敢稍為瞻徇隱匿敬為我

皇上一一陳之

一既富方穀養而後教謹飭學校建立農壇仰見
我

皇上崇儒重農之至意司其事者於學宮當時加灑掃

應隨

以致其敬於農壇當位置方向以合其度今臣按
時勸諭飭盡崇奉之誠
行各州縣偶於鄉寧縣入學宮查視見訓導洪疇

六打掃潔淨勤謹將事臣即面加誇獎又按行稷
山縣入學查視該教諭武良弼不特灑掃不及甚
至神位欹側雜以他物臣即面飭整頓至於農壇
本宜建立郊外以便舉行耕藉之禮即如吉州鄉
寧縣建立城內者固已不知典禮之甚復如稷山
縣建立城外又或在西郊亦未協往昔諸侯東郊

之制仰祈

皇上聖諭通飭凡各州縣農壇有未合宜者趁此農隙
藉田固應設立東郊但限於地或有不便處可不必遷

改至若設立城內實屬違式當言之撫臣酌量改建
及時遷改合於典禮

一臣按行隰州地方有州學武生李彪在途喊冤

呈稱次子李除除於雍正元年十一月十九夜不

接收知被何人殺死在城內李家圪圪身有刀斧傷痕
呈詞須當詳慎毋致滋事設遇有真實冤案批查

之後地有血跡等情歷今五載冤不能伸具呈到臣
必密以奏聞恐開告許之門則不勝其煩反起刁

風殊密訪無異隨批隰州牧吳元鉞查案該州連原卷
非朕遣差汝等之意若似此實情又經察訪的確

者可詳送據稱前任知州周鏤驗得李除除身屍年歲
及傷痕長深分數并致命之處皆有刀痕通詳緝

密移知撫臣令其催緝結案何必聲張以啓健訟

之風

鄉未獲周鑲奉調離任知州李濂亦未幾調州離

任董俊到任接緝限滿未獲其承緝不力之知州

李濂經前撫臣諾岷初叅議處而護撫臣高成齡

袒護接緝之董俊並未續叅今現任知州吳元弑

此事

於雍正五年三月二十二日到任勒限嚴拏兇犯

命定

未獲伏念人命重情例限嚴迫奚容懸案五載官

聞

經屢易尚未弋獲兇犯似此懈弛誠恐將來凡遇

命案重情相率效尤必至俱成疑案此等弊竇皆

由歷來各承緝衙門怠緩而護理撫臣高成齡不行續叅有以開之也應否指名查詰伏祈

睿鑒批示遵行

一臣巡查所至民有紛紛在途具呈臣收細閱多屬戶婚田土構訟或有以印官陞遷降革離任未經審結一槩註銷者亦有准而未審經年累月拖延者更有印官闌茸批發捕衙審理不能令其悅服者伏思捕衙職守卑微難於彈壓甚而不肖之

如此徒受賕枉斷朦詳該令此風尤不可長凡此等呈
詞臣批諭百姓仍赴該管上司申理不使冤抑久

撫司

可也

何待

沈仰請諭自康熙六十一年直教諭至今矣總之

皇上

睿鑒應否

督撫

兩司得人則無庸重申再命似晉省大員便一日

敕諭

通行各該有司雖戶婚田土細事星速完結勿致

頒降

千行詔旨亦復何益若浙江河南兩省朕可保其

必無

此等陋弊也不得其人奈何奈何

不白之冤矣

一山西地近邊境且多重山峻嶺風俗強悍臣恐

窮僻之處易於藏姦預飭各屬開明所部境內四
至何處平坦民居稠密何處險僻姦宄易藏俟臣
按臨日該縣面呈以便備細查詰及到沁水縣該
令面送四至內開東北由端氏集并固縣村至長
子縣界二百一十里俱從山澗中小路行走似宜
於固縣村設立塘汛防守又據南至義圪梢山垣
曲界九十里山高路險村落鮮少似宜於中村集
設立塘汛防守等語臣訪查無異應否如其所陳

亦宜
救下撫臣議覆施行

一驛馬為馳

奏通文而設關係綦重不許缺額疲瘦臣巡查抵晉
此獎直省同然大抵吏治不修類斯無恥偷風觸處皆
是全賴汝等實心察驗竭力整飭必堪任驅策者為準并
是發某處本驛烙馬印式令其預行用鐵打造俟臣
人始可望其通省改易據奏此等小術祇不過一時暫
醫燃眉耳考察州縣有司若以此評其賢否實屬美政
將庸劣不及之員借以黜革之尤為允當
設官巡察均預為購足額數揀選添補及臣面行

印烙除同戈驛怙終不悛業經

題叅外現在巡查所到處所或有一二匹仍不如法
飭令現補甚是如遇好員似此小疵當加訓誡最其改
過不可者臣即行挑去飭令現補適用者方行印烙嗣後
如多疲瘦老病者容臣不時

題叅

一煙墩礮臺計里設立分撥汛兵按汛防守前後
聯絡俾一處不致坍塌一刻不容或離誠弭盜安
民之良法也今有陽城縣知縣吳紹祚現在修理

未完經臣目擊本應叅處但聞吳紹祚居官頗不
委靡紳衿畏服似應開以自新之路臣面加嚴飭
許其從此實力奉行若仍復懈怠定行

是

題叅至於守汛兵丁臣於所到之處必躬親考試并

察其守汛勤惰武藝精疎分別獎勉除隰州尚莊

好

實力

汛兵蘓葛無故擅離汛地已經革退外其餘俟臣

力為之務須言行相符

查察所至倘有仍蹈蘓葛前轍及老弱不堪者容

臣不時叅革

一民壯專為捕盜而設所當選擇漢仗出衆技力
過人者充之晉省設立民壯多屬具文臣今所歷
之處將民壯中漢仗不堪武藝又未演習者均行
革退現今該管印官續選備具花名年貌籍貫并
不致將不堪者濫充各等情冊結立案以足額數
此舉亦好而收實效

一平遙縣地方遼闊民風刁薄諸務冗雜該縣令
李廷琯賦性柔懦聽訟寡斷非理繁治劇之才與

地方殊未相宜再大寧縣知縣鍾恒雖才具平常而居官尚無乖張猶堪供職應否飭知撫臣調簡

甚當亦告之石麟
改教伏祈
皇上睿鑒定奪

一臣於八月十四日查及澤州訪得澤州地方頗

此舉多大家世族往往收錄僕從出入如雲恐不能偏
加約束以致在外為非亦未可定臣愚以為嗣後
來豈在富戶僕從之多寡耶斯論殊屬迂濶之極
宜立定額制限則自無此等之弊伏惟

睿鑒

一奉差巡察於該管地方例應徧歷今臣所至之

區無論驛道周行窮鄉僻壤不敢或置每有生員
勸戒訓導是乃爾之專責如王國棟為浙江觀風整俗
使頗能宣威布德迎接於勞問諮詢之餘仍將孝弟忠信
實心任事朕自能知悉此不煩人言而定是非朕另有
導靡不歡忻抃舞感頌

鑒察之道
聖恩足見山西民俗淳樸殊堪董率即目前之雨暘時

若田疇豐稔歌舞報賽熙熙皞皞悉樂業於桑麻

若謂晉省已城唐虞之世則豫省之吏治民風又當如何褒美何言之過當耶雞犬之野而太和翔洽之氣儼然已成唐虞之世

矣但查至翼城沁水二縣接壤之處見約有三十

里長二十里寬穀子葉甘黃姜而其穗仍然無恙

詢及居民始知於七月二十七日為水電所打幸

不成災且地畝無多可以無煩

百凡俱當據實莫隱
聖慮係臣親見亦不敢隱匿

以上凡十條係臣入境以來所查境內實跡至於

全晉各府州縣尚多未經之處容臣次第巡查外

所有已聞已行者謹具摺備悉

奏報伏乞

皇上睿鑒施行謹

奏

所奏各條朕嘉悅覽之若果奏與行符乃山西闔省黎庶之福亦汝之福朕之福也竭力勉為之不可徒以空言悅朕耳目

雍正六年九月十三日巡察山西等處戶科掌印

給事中臣宋筠謹

奏為不避煩瑣隨所聞見無論巨細據實直陳仰祈
睿鑒事竊臣自任事以來將及三月所歷府州縣地方
三十餘處次第有所見聞理合彙摺敬為我
皇上陳之

一錢糧耗羨定議加一有三臣巡察所至之州縣
有加一四五加一七八以及加二者雖於加一三
之數較多而民俱相安並無怨聲惟稷山縣王夢

熊歷任四年一向耗羨竟至加二以外頗干物議
及聞山西特設巡察之員即為減去現今仍有加
一七八再襄垣縣現在引

見之知縣李錫桓聞伊耗羨加二有餘伊雖去任民多
此非教書所載為汝分內應行之事凡所聞見密摺奏
聞於朕或告之巡撫兩司則可若如此批查滋事擅作
威福殊與朕差遣汝等之意相違且恐汝自羅叅論
如兩縣之事各行詳覆是實相應另疏

題叅合先據實奏

聞

當

家言之撫臣

之員即以日計月計猶恐貽害地方今已莅任年餘而該府不詳揭司道不覺察此實臣所不鮮也

一臣於九月初六日巡行至潞安府聞該府該同知衙役狂妄自大肆行無忌如府皂頭郭姓廳快頭楊姓倚恃官役又且身家富有開張店鋪甚至

交通官府遂致經歷司盧熊曲意迎合為渠特出
告示禁約人民不許在彼騷擾作踐違者許其扭
稟重處伏思體統攸關名分不容僭越且命官尚
仰其鼻息則平日魚肉小民可知除該同知劉芳
壁於別案已被叅革外其知府王景望難免失察
之咎應否具疏

專責不在於汝
題叅伏候

諭旨施行

一臣於九月初十日巡行平順縣始入其境即聞該令居官污穢民怨沸騰再行密訪知於各鄉充置農官勒索銀兩到手方許充應發給民壯工食俱不足數扣剋入己抑且賦性暴戾甚失官箴臣抵潞安府該知府王景望亦備稱其居官民怨並云即行揭報恐長刁民告訐之風且徵比錢糧易起容徐徐專揭去之臣伏思該知府到任已及二年既知穢蹟如何不行即去猶云徐圖未知當於

何時方為專揭此臣所不解而并不敢壅於上
備悉入告無隱甚屬可嘉

聞者也

一臣巡行州縣每事必細加查訪乃知歷來學臣
供應陋規現在猶存每按考一次州縣出銀自數
十金至百餘金參差不等但既係歷來陋規似宜

革除臣不敢緘默隱諱據聞直

亦當言之巡撫
奏伏惟

睿鑒

一恭逢

聖明在上各該有司奉公守法者固多而因循玩愒偷安旦夕相率成風者亦復不少如介休縣郝國義被盜一事係雍正元年失竊縣官已經屢易而盜未全獲賊未全追迨臣巡查至境告發批府將已獲盜犯發落未獲之犯立案嚴緝又據署聞喜縣詳明未結竊案內開於雍正二年聞喜縣被竊驛馬二匹今已三年有餘案內竊賊尚未弋獲究處

觀此二案則上司之失察下屬之急玩可知矣伏

祈

言之石麟看伊作何回覆密奏以聞
睿鑒通飭俾各猛省龜勉供職庶案無留牘民有寧宇

矣

一臣於九月初九日收到太原府陽曲縣知縣孔

興宗及太原營叅將周三奇申報學臣勵宗萬署

此事
內於本年九月初四夜被竊經該縣驗明從西房
扒進朕經嚴諭撫提二臣矣省會公署尚如此肆無忌
由門牆而出實係是竊非強以事干衙署

惴他處不問可知總因巡撫短於才力諸事叢脞亦自
被盜未可忽畧除批飭該員文武協同嚴緝務獲
然之理也不得其人奈何
審報外臣不敢隱諱據實具

奏

一宣講鄉約乃化民善俗之根本臣將抵襄垣縣
在路有該縣民尚良德狀告生員郭明璿於去年
三月初一日登講混訾臣即提原案查閱乃知郭
明璿曾與尚良德訐訟為仇見尚姓與聽乃講息
誣告以全良善一條將俗語衍講不無借公譏刺

而尚良德以為專意罵彼遂具詞控告已經潞安

處分

府批飭該縣將駕詞誣告之尚姓在縣處分講約
既輕自應有翻告之舉
不敬之郭生發學戒飭各責二十板發落結案矣

朕觀

生員

今尚姓復將舊事翻告臣愚以為事關重大誠恐此案登講混警係必有之情姦民駕詞誣告事小
其間或有徇庇或有屈抑仍批行該府確查研審
講約不敬罪大作何處斷結案後具奏以聞
俟詳報到日臣即移送學臣覆審歸結理合據實

奏

聞

以上八條就 臣耳聞目見聊悉犬馬之鄙衷並不
敢矯情立異亦不敢邀譽和同但遵我

皇上無欺無隱之

諭旨求克稱乎巡察二字而已為此謹

奏

覽

雍正六年十一月二十二日巡察山西等處戶科

掌印給事中 臣 宋筠謹

奏為隨時隨事據實奏

聞仰祈

睿鑒事竊臣於本年八月九月兩具摺

奏伏蒙我

皇上詳加

批諭諄切訓教俾臣有所遵循不至隕越臣縱蒙矚敢

不殫竭愚誠益加奮勉謹將現在所見及現在未

敢遽行之事為我

皇上陳之

一九月十八日據臨汾縣詳稱有遊棍李宏假臣

家人并寫狀人周立朝口稱監生結黨私立訪簿

此事

招搖撞騙除批縣審明移送撫臣咨查明確照律

處分

外臣即嚴切告示

徧貼鄉村酒飯舖肆許軍

民人等如遇此輩立拏送官以申法紀此係有干

臣之官聲者不敢匿不奏

聞

一郝國義告秦國興以義子盜竊及聞喜縣詳報盜竊稷山號驛馬兩案濡遲累年不結經臣前摺奏

聞奉

旨言之石麟看伊如何回覆密奏以聞今臣於入省之時遵奉言之撫臣並不敢聲明曾有

訓旨兩次叩之以探其意據撫臣回答云此等事甚多自須隨時隨事處分可也觀其應對如是則從前

留心
石麟

該州縣均未詳報撫臣即石麟亦無由得知且
臣密訪逐件言之一面奏聞於朕將此諭亦即通知
巡察所至訪聞從前各屬多有諱盜不報之弊
殊為長姦不特此二案也理合據實

奏明

一臣未至山西知地近邊徼又多崇山峻嶺慮易
藏姦於到任之後即行詳示巡查盜賊斷絕根株
嚴禁窩藏并通行牌飭各處所部地方凡汛兵鄉
地甲長捕役民壯人等於每月朔望具循環簿冊

呈送本管官司兼具不致擒拏不力不相協助及
隱縱窩線如有等弊願甘同罪互結存案各該管
官司亦各加結呈送各該管衙門及臣處以備考
察倘不遵守巧為遮飾或經發覺訪知官叅吏處
自是以來各處盜竊報者紛紛似少從前隱諱之
弊至於盜賊竊發之處俟詳報到日臣自應批令
火速勒緝人賊俱獲妥擬招詳照律嚴處結案庶
是竭力為之

可做姦宄以息盜風

一臣巡行至霍州查點驛馬餽養殊不合式則其平日怠惰驛站可知本應

題叅但臣見該知州吳廷祚年力方壯又訪得居官

好力

行勿懈亦無不好之處是以未經叅劾當經面加申飭如

以後仍蹈前轍立即叅

奏不敢寬縱

一臣巡查至襄陵縣聞前經告病之知縣吳世雍久在牀褥未愈一切民事咸批發捕衙顧嘉諒代

稍待數時若石麟不行察究衆劾具指再奏以聞臣於
理嘉諒不顧曲直往往受賂枉斷民多怨言臣於
前月暫回省城與撫臣相見之次已切實言之矣

合并奏

聞

一臣奉

命巡察山西無日不以無欺無隱四字厯於五內凡遇
果能身體力行日久不移一生用之不竭矣勉之勉之

大小事件不敢輕忽所以前在襄垣縣有尚良德

翻告生員郭明璫一詞關係講約不敬不敢不收

一面發潞安府查覆一面具摺奏

聞仰蒙我

皇上硃批諭旨姦民駕詞誣告事小生員講約不敬罪
大作何處斷結案後具奏以聞欽此今據該府查覆
尚良德原係姦民好訟而生員郭明璿講約果係
不敬難逃

聖明洞鑒但詞涉生員事關庠序將原案咨送學臣作
何處分完結一并奏

聞迨至十一月初十日據學臣勵宗萬咨覆內開以事
關科臣批審之案未便越俎等因移咨推諉於臣
伏思臣無承審責任何敢擅為主張自干罪戾謹
不避嫌怨據實入

告仰請

此事傳諭勵宗萬會同石麟完結可也
訓旨或令撫臣完結或令撫臣會同學臣完結伏惟

睿鑒

一臣巡行經過州縣凡有已經種秋麥之處麥根

俱為茂盛又十一月初二三等日在太原府遇雪
及過汾州府所屬州縣俱約有二三寸不等似與
秋麥有益合并奏

聞深慰朕懷

一臣於十一月十八日巡查至永寧州接有蒲縣
知縣蕭藻詳揭吉州知州李瑛十四款臣細查所
列諸款只兩條涉及臣分內之事其餘皆軍政刑
是名錢穀等項均應撫臣執掌臣一面咨明撫臣一

面據實奏

聞

一臣巡查至臨縣見該令吳早不但賦性柔懦抑

言之

且闌茸無能察其居官雖不至貪婪狼藉而糊塗

教亦

辦事似難稱父母斯民之任理合奏

聞

可汝等商酌而行

以上九條除恪遵

諭旨奉行外更有所聞所見之處臣不敢稍為隱諱謹

繕摺具

奏伏祈

睿鑒施行謹

奏

嘉悅覽之堅守此志莫移更莫虛張聲勢多事務名

雍正七年二月十九日巡察山西等處戶科掌印

給事中

臣宋筠謹

奏為隨聞隨見據實直陳伏惟

睿鑒事竊臣仰荷

天恩巡察三晉凡有聞見不敢隱匿已三次具摺奏

聞今臣巡察將及八月經過州縣已及十分之七更據
見聞所及敬為我

皇上陳之

一臣於十一月二十三日巡察至汾州府黃蘆嶺
地方係通秦省綏德州大路山峻人稀最為險要
舊設巡檢司一員帶領弓兵三十名在嶺防守巡

查後巡檢衙署傾圯因而移駐府城額設弓兵雖云照舊撥守不過虛應故事臣查巡檢住居府城一無執掌誠屬冗員若仍移駐黃蘆俾其巡防彈壓行旅可保無虞似大有裨益謹具奏

聞

一臣於十一月二十九日巡察至汾州府石樓縣及隰州永和縣交界查兩縣相去九十里路僻人稀中間越大嶺約十餘里乃兩縣交界之處其

中最易藏姦不可不設兵防守臣愚以為應於石樓縣所屬之解莊調石樓縣駐防兵三名防守於永和縣所屬之趙家溝調永和縣駐防兵三名防守庶姦宄竊發無所容身而交界之地彼此俱可接應不致有互相推諉之弊謹具奏

聞

一臣於十二月十一日巡察至安邑縣運城地方查運城為河東鹽池錢糧重地商賈輻輳五方雜

處之所城內僅一外委把總領兵三十名防守殊
不足以資彈壓臣愚以為似應設武弁一員添兵

以上
百名錢糧重地庶為鞏固即河東運使臣楊夢琰
三條傳諭該巡撫提督令伊等會同詳議奏聞
亦深以兵少地重為慮向臣言之臣謹奏

聞

一臣於十二月十三日巡察至解州地方中途遇
雪麥根潤澤解蒲二處所屬地方有雪厚一尺者
有七八寸五六寸不等者臣經過城邑鄉村貢監

生員耆老小民無不來迎臣隨諭以時和年豐瑞雪盈野皆我

皇上聖德至誠上格

天心所以致此爾等生當

堯舜之世俱要依

聖諭

廣訓而行人人俱學做好人聽者無不鼓舞歡忻共相隨處多方勸諭以開導人心乃極好之事勉為之毋辭稽首曰今日之年歲豐收民安物阜均

萬歲錫辛苦母憚煩勞我等以太平之福也一時情景如繪不敢壅於

上

聞

一臣於十二月十八日巡察至平陸縣據蒲州府
永濟縣知縣施奕簪詳稱該縣小李村農民崔效
林於本年十月十四日拾得高世津遺失布包一
箇內係金珠首飾為兒子下聘之物約值六七十
金效林不肯隱留俟高世津奔至尋覓問明件數

式樣俱各符合逐一點明交還高世津世津備禮
求收效林堅辭不受事屬罕見遠近稱揚等語臣
於二十一日由平陸往巡蒲州適取道小李村經
過崔效林之門村民向臣公舉良善臣親斟酒三
杯與效林飲之稱贊褒獎至於再三一時觀聽之
下人人說俱願學這樣好人等語臣因宣布
皇上德化勸伊等凜遵

聖諭

廣訓力行孝弟安分守己毋爭競毋健訟人人俱做好

人豈不甚美於是衆百姓稽首鼓舞共頌

皇仁

臣

謹據實奏

聞

一臣於十二月二十三日巡察至蒲州府聞黃河

風陵一渡與潼關接壤乃陝西河南山西三省交

界之區

臣

因紆道往視渡口舊設巡檢一員弓兵

二十名及防河兵丁五名

臣

細細查點惟有巡檢

一員兵丁五人在渡口臣面問巡檢據云渡口衙

門久已傾頽巡檢在遠村十數里外居住聞臣已

入境在此迎候弓兵俱未帶到等語臣抵蒲州向

知府劉登庸言及據云此地巡檢已歸并陝西潼

關因潼關未設衙門仍留山西居住臣查三省要

將此

地款同前三條一并交與撫提議奏該巡檢既歸并陝西地方則山西亦應另設一

員若仍留山西則應令在渡口住劄以便盤詰姦

宄臣因地方險要起見謹據實奏

聞

一臣於十二月二十六日巡察至蒲州聞所屬永濟臨晉二縣民刁俗悍健訟抗糧實為晉省繁劇難治地方臣見永濟縣令施奕簪辦事才鈍以之莅事簡民醇之地似乎有餘以之理事繁民玩之區實為不足又見臨晉縣令胡南藩賦性柔懦雖行止初無乖張而理繁治劇實難勝任此二員若令其久任巖邑不能除姦適足長姦急須調一小

亦與

撫臣言之

邑庶可供職臣不敢隱匿理合奏

聞

一國家教養兼設則學宮與農壇交重

臣巡察三

晉已及十分之七惟平陽府知府樊錢倬膜視學

宮大成殿

聖像之上板將傾圯明倫堂已坍塌半間均未整理

臣

巡察到府入學瞻視該知府見

臣

面有慙色云不

樊錢

倬聞係好員何乃如疎慢

即當修理再臣巡察至臨晉猗氏萬泉三縣農

是

壇俱在城內臣見撫臣自當言之合并奏

聞

一臣由蒲州驛路北回見沿途該府廳州縣無不各離地方爭赴省會為撫臣賀年並為撫臣賀壽者臣愚以為地方正印官各有職守若有要緊之

向撫

事相商猶當調府留縣調縣留府以為居守之計

臣石麟面言令其不必回護併即親勸之可也

若以賀年賀壽之故各離守地無論繁文縟節僕

僕道路毫無利益且恐地方或有匪類窺此空隙

致生事端亦未可定臣不敢不密為奏

聞

一臣於雍正七年正月十五六七等日在絳縣垣曲地方遇雪約有三四寸復於正月二十六日在洪洞縣遇雪約有三寸一路麥苗十分茂盛田土

深慰

朕懷

潤澤經過地方萬姓歡呼合并奏

聞

一臣自蒲州北回察訪沿途州縣竊案有未報未

結者臣俱飭令速獲賊贓結案臣至沁州訪聞陞
任知州沈一葵衙署被盜一葵匿不通報及丁憂
知州管學宣抵任衙署亦復被盜學宣又匿不通
報兩知州衙內失事前後相隔二年可見盜風之
熾由於寬縱後此之盜未必非前此之夥黨且衙
署盜風亟當留心嚴察以消弭之賊盜公行尚復隱諱他更可知姑就臣目下經
過地方察出者先行

奏報其餘俟臣陸續察出一一奏

聞

以上諸條係臣耳聞目見不敢隱匿為此具摺謹

奏

覽

雍正七年三月十二日巡察山西等處戶科掌印

給事中臣宋筠謹

奏臣蒙

天恩巡察全晉西南一帶地方行查已周於三月初八

日抵太原省會將前摺所奏之事應與撫臣言者
悉向撫臣言之矣所有晉省現在盜案及目見耳
聞之事臚列六條敬為我

皇上陳之

一臣於二月二十日以後連接河東道報文該道
衙門於二月初四日夜被盜同夜該蒲協副將衙
內被盜正月二十二日解州知州衙內被盜二十
八日洪洞縣知縣衙內被盜二月二十八日據霍

州知州吳廷祚詳報該州於辛置莊地方同蒲州
捕役拏獲盜犯李添才等七名認明河東道及蒲
協副將洪洞縣贓物在案錄取各供現解蒲州府
質審臣當即嚴飭該府令其嚴行訊問窮究盜夥
務絕根株以息盜風再大同總兵署內及平遙縣
驛丞署內俱各被盜臣以衙署失盜俱不敢輕縱
除一面嚴飭地方官速獲賊賊外面見撫臣諄切
言之臣謹據實奏

奏遲矣
聞

一臣至太原省會察訪前任叅將今陞陝西漢中副將陳美署內曾被盜刦隱匿不報并臣由蒲州北回途中察出未報盜案二十三件俱逐一言之
撫臣 臣謹奏

好
聞

一臣於三月初三日據石樓縣詳稱石樓倚山為城學宮倉廩建設其頂傍城居民八十餘家下係

溪河一經大雨萬壑奔騰直衝城脚倉學民舍深
為可慮應於溪河左首開一枝河並於險要之處
築堤捍禦等語除該縣已詳撫臣應聽撫臣經理
措處外臣不敢匿不奏

該撫
自當籌計奏聞

一臣自蒲州北回點驗沿途驛馬惟平樂縣栢井
驛揀出疲瘦之馬二十三匹本應題叅該署縣壽
陽令胡具體悉以肥壯者充補及查點壽陽驛馬

俱各臆壯無缺又聞該令居官尚屬小心謹慎臣

仰體

是諭旨不可過於嚴刻已面加申飭嗣後再有疲瘦者即

令該上司揭報不可寬縱

一臣自驛路南回經過州縣見各處所種秋麥青
蔥茂密及抵太原等處地方見農人力作田野播
種春麥土膏滋潤初十十一兩日又得時雨五寸
合并奏

直待登場後方可釋懷也
聞

一臣巡察晉省西南等處地方見臨縣城垣東西
已坍蒲州府城垣四面坍塌甚多已向撫臣言之
并

奏

以上六條係臣耳聞目見理合繕摺奏

聞謹

奏

覽悉

雍正七年六月初四日巡察山西等處戶科掌印

給事中臣宋筠謹

奏為據實奏

聞事臣巡察全晉地方將已周遍又有耳聞目見之事不敢隱匿敬為我

皇上陳之

一臣巡察至崞縣只有文職并未設有武官亦無

守城兵丁殊不足以資彈壓似應專設把總一員
撥鄰近營兵二十名防守又興縣僻處萬山之中
民俗頗悍盜竊時發實為要緊地方城內僅有外
委把總一員并無城守兵丁似應設千總一員撥
將此款言之撫提二臣令其籌議如係應行會疏題奏
鄰近營兵三十名防守臣謹奏

聞

一臣巡察至應州訪出去任知州蕭綱於雍正四
年七月間署內失盜該州隱匿不報臣又查出雍

好聞

正三年以後不報盜案文水屯留襄垣長治平遙
長子等縣共十六件臣見撫臣自當言之臣謹奏

一臣巡察至大同縣見該縣知縣陳世寶忠厚有
餘才識不足調一小邑猶堪供職大同附郭首邑

必得精明強幹之才始克勝任臣謹奏

此亦言之於撫臣聞

一臣巡察至神池縣所屬之八角堡與偏關縣所

屬之老營堡相去九十里係兩縣交界之區中間
嶺峻村稀最易藏姦不可不設兵防守臣愚以為
應於南泉地方調八角堡兵三名防守於鄧家山
地方調老營堡兵三名防守庶險要之地俱有接
應姦宄無所容身矣再臣每巡一汛必試兵丁武
可嘉

藝其生疎者言之該將革退合并奏

聞

一晉省各處學宮農壇

臣

俱留心閱視邇來各處

甚好

學宮咸各修葺完整打掃潔淨至農壇在城內者

臣向撫臣言之均移在郊外到處俱合典禮矣至

忠義節孝祠各處俱建育嬰普濟堂未奉行者甚

即使

建堂若不實心奉行亦徒有其名仍屬無益之浪

費也

多臣謹據實奏

一臣以姦民尚良德翻告生員郭明璿講約不敬

摺奏奉

硃批傳諭勵宗萬會同石麟完結可也臣即移文學臣

撫臣於五月二十二日接准咨覆內稱郭明璿身
列青衿宣讀

聖諭理應敬謹乃敢假土語罵人甚屬狂妄應杖一百
徒三年到配折責尚良德張大其詞疊控不休應
予杖責等語臣謹奏

聞如此判斷是

一三岔額設站馬三十匹係把總曹喜所管因鎮
臣調演礮車轉委把總袁遴署理查出內有缺額

疲瘦及有疾之馬九匹揭報驛道轉詳撫臣請叅
并及臣處臣因尚未至其地親行查驗先移明撫
臣撫臣回咨應咨提鎮查明會叅及臣巡至三岔
查閱缺額者已補足疲瘦者已臙壯有疾者已養
好臣又不敢因有揭在先過於嚴刻吹求已印烙
令其應差矣理合據實奏

甚
是
聞

一晉省大小竊案從前地方官槩不報明上司上

司亦不稽察以致盜風日熾竊發時聞臣到任後多方查訪邇來報者紛紛似少從前隱諱之弊通計臣巡察晉省一年報大小盜案者共一百零九件已獲盜賊及按律問擬者共四十三件其報而未結者臣現在行文嚴催陸續完結至不能依限完結之案臣逐一開明移咨撫臣并新任巡察到可嘉之至如果所行與所奏相符豈但邀朕眷顧自蒙晉臣一一交代明白臣謹據實奏

上天鑒照也勉之聞

以上諸條臣聞見最確不敢欺隱理合繕摺奏

聞謹

奏

觀汝乃實心任事不負朕用之人也甚為嘉悅當務始終如一莫移此志

雍正七年九月初一日巡察山西等處戶科掌印
給事中臣宋筠謹

奏為恭謝

天恩事竊

臣

以菲才仰荷

天恩畀以巡察重任夙夜兢兢罔敢怠惰殫竭愚誠方

愧寸長未效乃蒙我

皇上天語褒嘉再留一年聞

命之下感激涕零伏念

臣

世受

國恩至為深厚

臣

雖不才願竭駑駘之力稍效涓埃

之報惟益加勉勵無欺無隱實心實力以仰報

高厚之恩於萬一耳所有微

臣

躬荷

天恩理合具摺奏

謝謹

奏

即不論國恩但據臣職官箴是非利害而言何一不當
加勉耶宜勉之又勉

同日又

奏為據實奏

聞事竊臣於閏七月初十日自太原出巡將及兩月經

過地方隨所見聞列為十條并六月內巡察嵐縣
地方一條敬為我

皇上陳之

一臣自六月初四日進摺之後隨巡至嵐縣地方
見該縣亦無額設守城兵丁似應與崞縣興縣一
是

體添設臣俱一并移明撫臣提臣聽其詳議酌奪
臣謹奏

聞

一墩臺設有汛兵所以稽查匪類弭盜安民如果
實心巡緝何患盜竊臣巡行各地方細加訪查聞
臣至之日羣候在汛臣去之後額設之兵只有一
半在汛者亦有白日在汛夜間歸去只留一二人

守候者臣已將榆次縣汛地缺兵查叅邇聞各武
弁稽查巡查令不服備好勉為之頗嚴臣巡行各州縣間復出其不意時加

如此

密查每至一汛各試武藝不使老弱濫充至各處
城守兵丁臣亦加訪問千把所轄十名中不無一

二名空糧之弊事關設汛分防似未便任其缺額

臣謹奏

聞

一郵地設立舖司遞送公文必須隨到隨行然後
文無遲滯事可限內完結臣沿途訪察見雖設有

當言

房屋而寂然無人地方官亦不加緊催督視為故
套之撫臣加意督查毋任懈弛以致文書堆積事件遲延臣挨路細查有閉門

遠出即交該地方官薄治并飭其不時稽查庶文

到即傳事件亦可依限早結

臣謹

奏

一臣細訪盜竊繁多之故有州縣諱匿不報者亦

需索斷宜嚴禁其間或有一二出於民情願相酬謝亦

不必過於搜求恐一經報官則有衙門胥吏及捕役人等需索盤

纏追贓後又復求索謝禮所以寧忍氣不報

臣已

出示曉諭反覆開導令失事之家無復自行隱諱

並申飭各州縣官嚴禁胥吏捕役需索弊端

臣巡

行一邑再密加訪察係州縣不報以諱盜題叅如吏役作弊查出重行處治庶盜風可以少息也

一臣於八月初七日巡察至沁州地方初八日應祭

關帝三代之期臣思既至其地理應與祭祭後細閱供物犧牲前後殿豕羊尚備供物則簡畧之至矣及初十日至沁源縣復加查訪僅有一豕一羊供物更不問可知查祭祀之費每季例銷銀七兩八

錢有餘其中不無冒銷情弊再臣巡察晉省三與
文廟丁祭俱犧牲肥腍供物精潔及細細查訪惟臣
現在經過之處為然尋常多寡不齊豐嗇各異未

言之
奏

必俱照定額謹據實陳

石麟令其嚴飭該屬員可也

一臣巡察至榆次縣於郭家堡地方查出賭博一
起已交該縣嚴處又巡察至孟縣鷄騰崖地方於
賣燒餅魏姓之家見有十餘人聚賭臣面問魏姓

云賭博新例甚嚴爾等何不怕官答云官離此數
十里不得知道臣又問云衙役稽查如何答云送
他幾百文錢就可完事臣又問云地方鄉約出首

可嘉

如何答云同在一塊地方居住不好意思等語彼

此禁

此至賭博一事亞當盡力稽查若有地方官懈弛

重處凡經過州縣臣一一詳諭令於各該地方留

心查訪謹

奏

一臣巡察至遼州據嵐縣詳稱該縣文生邱拱理

當言

圖財害命同黨惡牛相微殺死當商范齊賢父子

之二

學臣

將已

奏聞

過緣

由亦

令知

知之

臣

經

歷

晉

省

地方見各州縣教官老邁者居多精神不支何以
約束士子合并奏

聞

一臣巡察至潞城縣一入縣境訪聞該縣火耗頗
重差役下鄉催糧每戶索取錢文民以為苦及見

當向

石麟言之

該縣孔毓儀年已六十有六痰病初起行步艱難

至典史韓之佐自云年六十一實有七旬耳聾步

艱教諭張大塏年近八十兩人扶翼始能行走一

縣三官俱係年老恐難勝任

臣謹奏

聞

一臣據清源縣詳稱被臣叅劾疎縱兵丁之榆次

縣外委把總李會未奉部議攜眷回家經過該縣

堯城地方帶領榆次守城兵丁武俊耀趙興及伊

弟提督差官李斌全等口稱失盜將堯城安永興店內之貴娃子等弔打李會遂面見該縣口稱被盜該縣令遞呈詞又復親驗偷竊情形並無出入蹤跡細訊貴娃子等口供並未偷盜伊物係李會兄弟聲言失去衣服銀兩喝令兵丁將伊弔打令其招認等語該縣令候詳再審李會忽稱原未失物懇求免詳銷案等語揆此李會顯有私帶兵丁嚇詐平民情弊臣已據該縣詳文移咨撫臣提臣

所見

合并奏

應行察究者

卷一百三十九

聞

一臣聞潞安等處落地稅物甚多係知府委人收
管細察歷來相沿舊規當店每店一年稅銀十兩
五錢生鐵百斤稅銀一分熟鐵粗者百斤三分細
者六分麻子每石二分麻油百斤八分乾粉百斤
一錢二分故衣紬帛每件八釐布衣四釐白布每
箇稅錢三文麻一斤一文椽子一根一文每起一

不但
尚未

晉省有此陋弊大抵直省皆然朕正欲飭令整剔
票六文此其大槩也餘有稅之物尚多一府如此

他府可知恐有私收累民者臣密奏

聞

一晉省今歲雨暘時若年景豐收臣於閏七月初
十日自太原出巡經過徐溝太谷榆次壽陽盂縣
平定樂平和順遼州榆社武鄉沁州沁源襄垣潞
城黎城平順壺關等處見沿途禾稼成熟有收穫
在場者有尚未收穫者惟平定一州係山田六月

覽收

稍缺雨澤沁源縣雨水稍多分數微減約有六分

興情

其餘俱有八九十分不等臣抵潞安府收穫已全

天

聞

和年景豐登朕可保其必然也

足有十分萬姓歡呼實屬太平景象臣謹奏

以上十一條係臣耳聞目見不敢隱匿理合繕摺
奏

聞謹

奏

覽

雍正七年十一月二十一日巡察山西等處戶科
掌印給事中臣宋筠謹

奏為恭謝

天恩事本年十一月二十日臣巡察至汾陽縣地方准
撫臣轉行吏部咨文本月初三日奉

旨山西按察使員缺著山西巡察宋筠補授山西巡察
事務著侍讀勵宗萬管理欽此聞

命自天感激無地臣隨恭設香案望

闕叩首謝

恩竊念臣以菲才蒙

皇上不次擢用由翰林拔置垣中復由垣中

特簡巡察殫竭愚誠毫無報稱今又蒙

隆恩畀以全晉刑名重任臣何人斯屢受

寵眷至深至渥唯有益加黽勉實心任事以仰報

鴻恩於萬一耳臣即於二十四日回太原府將巡察印

信恭送學臣勵宗萬臣到任後照例懇撫臣代臣叩謝外臣謹具摺恭謝

天恩并將臣巡察任內所聞所見事宜一併奏

聞謹

奏

好勉之勉之觀汝非汝兄宋致負君辱祖者比當竭力
黽勉莫移初志以繼續汝先人之美可也

同日又

奏為據實陳奏事

臣

於十月二十七日復抵太原恭

祝

萬壽將

臣

前摺奏之事應與撫臣言者言之撫臣應與

學臣言者言之學臣於十一月初五日巡汾州

一帶地方所有九月十月以來耳聞目見事宜敬

為我

皇上陳之

一臣巡察至澤州府聞該府素多邪教

臣

嚴飭該

地方官及鄉保人等不時稽查及查至攔車一驛
離府六十里在太行山上係晉豫交界險阻之區
最為緊要前因姦徒聚衆為匪特設同知一員駐
劄其地彈壓甚覺有益乃該同知顧開陸自去歲
七月間抵任至今一載有餘尚在府城居住並未
搬移亦不急修衙署揆之設官彈壓之意殊不相
合臣愚以為宜急令修署搬移若有差使即委該
府州佐貳官署理始為妥便謹

所奏

是速催搬移駐劄

奏

一名山載在祀典樵採宜禁九月初三日據趙城縣詳稱霍山中鎮廟東古栢一株被賊偷伐廟南一株又被鄉民燒燬等情已批該縣勒緝賊贓并飭其不時稽查又於十一月初六日據五臺縣詳稱五臺山臺懷村民郭玉成等店內窩留伐樹賊人趙之樞等搜獲伐樹斧鋸賊人鼠竄等語臣即批行嚴緝將來臣至太原囑撫臣嚴出告示以禁

是當

廟宇樵採謹

奏

一臣巡察至平陽府臨汾縣地方聞該知縣徐三
俊催科得法居心尚慈惟約束衙役不嚴捕役作
弊往往養竊盜在家為害地方臣將捕役重行責

該知縣亦係汝之屬員也處擇其尤不法者革退并飭該知縣加意稽查防
範務令地方寧息臣抵太原并向撫臣言之謹

奏

一臣訪聞山西落地稅甚多潞澤二府更甚陵川
一邑僻處山中向無額稅今年五月新行添出百
姓頗以為苦又臣巡至垣曲絳縣交界地方名橫

此奏

助朕

嶺關係晉豫通衢行人絡繹關設巡檢一員稽查
之可嘉筆不盡忠朕目下正為此頒發諭旨汝又
逃盜及私販硝磺等務並無額徵稅銀該巡檢於
一朕款矣
往來貿易之人每遇一馱或勒索十文十二文不

等民多怨言係臣親見不敢隱匿

一臣巡察至霍州據靈石縣詳稱十月初一日文

生鄭纘武出首民人耿義成逆母出妻窩賭打架
及至審問乃因錢債細事起見該縣將耿義成薄
責示懲該生即於公堂之上大肆咆哮辱罵問官
此種刁風不可令長當與學臣會商處斷
又將該縣皮褂扯破等語臣謹奏

聞

一臣巡察至陽城縣據夏縣詳稱九月初三日在
縣屬之陳村廟內盤獲卦子楊守立等四家男婦
二十名口攜帶馬騾游走訊問伊等供係臨晉縣

人原想出門走馬賣解求些衣食恐路上難行前
後分走晚宿野廟雖未犯事既經盤獲不便聽其
游走業將楊守立等遞回臨晉安插等情臣即嚴
飭臨晉縣將楊守立等編入保甲不許出境生事
甚當

并飭其不時稽查臣謹

聞

一臣於九月二十二日巡至沁水縣地方遇雪二
寸於十月初六日至襄垣縣地方遇雪二寸澤州

平陽所屬地方多種秋麥麥根俱為滋潤臣見小

此皆民之家俱有蓋藏固晉俗勤儉亦連年豐登所以

上

天

佑致此殷阜也臣又沿途細查窮苦乞食之人輕不

敬慎之念也

一見所有太平熙皞景象詳細奏

聞

一臣巡察至太原縣據靈石縣仁義驛驛丞胡楷

稟稱岳陽縣家人劉姓在驛餽養馬匹扣剋馬料

開場窩賭私騎驛馬等情臣一面嚴飭平陽府查

報一面照會驛道查明移覆再通省驛馬近來俱
無缺額疲瘦等弊臣每到一處細加查驗其中稍
有臃欠者必令加意餵養務期肥壯間有一二齒
實屬可嘉
老不堪驅策者亦令更換奏

聞

一晉省民壯臣每到之處親行考驗其中或有年
老及技藝不堪者臣即行革退另募精壯者頂補
該州縣稍有懈弛不行操演者臣必嚴行申飭近

來武藝頗有可觀再臣於今歲春初曾通行各屬
於道旁栽插柳枝除山麓多石難種外其餘平坦
大路勸令密行栽插今臣巡歷各該地方見成活
如此事事留心中整理不數年間晉省可望其及豫省矣
者十分之二臣自當言之新任巡察囑其於來春
朕甚為嘉賞勉為之
再行補種以期成效合并奏

聞

一自臣巡察以來一年零六個月凡各州縣大小
竊案俱令通報計共二百四十三件已結者七十

一件未結者五十三件未獲賊未結案者一百十九件臣現在逐一查明造冊交送新任巡察管理臣抵臬司之任自當不時嚴催并

奏

以上十條臣耳聞目見不敢隱匿理合繕摺奏

聞謹

奏

嘉悅覽焉臬司為守土之官執掌全省刑名莫稍移易

今日此心此行更宜竭力加勉

雍正七年十二月十一日山西按察使臣宋筠謹
奏為

聖德光天卿雲疊呈上瑞敬摠賀悃仰祈

睿鑒事竊臣蒙

皇上天恩畀任晉臬於本年十一月二十九日受事後
見保德州詳報慶雲正在具摺恭賀間復於十二
月初八日接臨晉縣申稱本年十二月初一日慶

雲捧日五色繽紛霞光萬道呈輝耀彩與闔邑紳士軍民群集縣庭歡呼鼓舞咸稱

聖世嘉徵小民今日欣逢仰荷

皇恩福慶等因前來臣曷勝踴躍歡欣之至除詳報撫臣外恭摺肅摠賀悃仰祈

皇上睿鑒又臣於十一月二十二日自汾陽回太原府連日遇雪經過地方俱約有三四寸抵任之後各屬俱報得雪自二寸至五寸不等合并奏

聞再臣新任晉臬地方事宜應否准臣摺奏及應向何處轉奏臣不敢冒昧伏候

諭旨遵行謹

奏

覽奏欣悅已有諭旨批發蔣洞奏摺內矣

雍正八年正月二十六日山西按察使臣宋筠謹

奏為恭報晉省瑞雪普霑事本年正月十六日太原府地方自辰時至亥時瑞雪繽紛微風不作得雪

一尺二三寸旋據各屬報到或稱一尺有餘或稱九寸八寸以及六七寸四五寸不等合省普被地畝滋潤凡屬官民莫不仰戴

聖主恩膏歡呼抃舞臣目覩地方情形曷勝額手理合具摺奏

聞謹

奏

但勉吏治精勤刑罰平允則

上天之垂賜嘉應可企踵而待也

雍正八年三月十七日山西按察使臣宋筠謹

奏為遵

旨回奏事雍正八年二月十七日撫臣石麟傳示奉到

硃批諭旨臣跪讀之下仰見

睿鑒精詳訓示明切竊臣前奉

命巡察晉省地方凡山村僻壤俱經巡歷獎勸淳良稽

查姦究今復荷

天恩畀以臬司重任敢不益加黽勉時時留心訪究現
在密飭屬員實力稽查并時差親信謹慎之人細
為偵緝設有訪聞自一一密拏嚴究斷不使姦匪
倖逃

國法以冀仰副我

皇上惠愛善良寧謚地方之至意所有恭聞

訓旨緣由理合具摺回

奏仰祈

睿鑒謹

奏

留心為之毋忽

同日又

奏為恭報晉省雨澤普被事竊山右地方於本年三月初五十一等日太原府地方得雨約三四寸嗣復據各屬報稱得雨三四寸以及五六寸不等雖日期不一而無不霑被實屬及時之施現在四野

芄芄二麥茂盛理合具摺奏

聞謹

奏

深慰朕懷

雍正八年四月二十四日山西按察使臣宋筠謹

奏為恭報雨澤霑足事竊晉省地方於四月十二及
十七十八等日據各府州縣紛紛報稱得雨或云
霑足或云深透二十日戌時起至二十一日午時

太原府省城得雨一尺有餘旋據各屬又陸續報
到俱於是日得雨七八九寸不等通省雨澤優渥
現在二麥盈野固甚蕃滋秋苗初生亦俱茂盛萬
姓感戴

聖澤歡聲載道所有晉省復得透雨日期理合具摺奏
聞謹

奏

覽

益當黽勉吏治詳慎刑名不可絲毫縱肆怠忽

雍正八年八月二十日山西按察使臣宋筠謹

奏為據實陳奏事竊臣蒙

皇上厚恩由巡察

特簡臬司今已蒞任八月惟期殫竭愚誠實心任事以
報

隆恩所有臣見聞確據之事四條並地方事宜三條不
敢隱匿密行陳

奏伏祈

皇上聖明鑒察

一管理巡察翰林院侍讀臣勵宗萬莅任以來甫抵太原令陽曲縣多備執事人役伺候日需五六十人皆陽曲縣墊給食物又令買好騾三頭其價值十五六金十七八金不等每頭僅發潮銀十二兩餘皆該縣墊出又平定州知州安克寬向臣告言兩次勒借銀二百兩日來出巡廣帶人役所騎

驛馬至二十餘匹之多又從陽曲縣起行即帶轎夫十二名損夫二名前往任其沿途索擡舁價值

凡百悉如比實奏方是但係汝之接任現今共事一方金又體統尊大知府跪迎道左性情暴戾行部輒不可膜外視之當竭力規勸之臣不敢緘默謹行奏行威刑官役悉苦其擾累

聞

一晉省河東所屬一帶地方俱係緊要之區且民刁難治必得精明強幹道員為之彈壓庶於地方

有益臣見河東道臣潘宏裔居心仁慈為人長厚

所奏

年近七旬雖精神尚可支持而人懷其德未畏其威是潘弘裔原係庸人另有諭旨撫恤則有餘彈壓則不足臣不敢隱諱密行奏

聞

一晉省解刑部官吏飯銀二千兩係公用項內開銷者臣抵任以後細加訪察於此二千兩之外又每一州縣各私出銀十兩統計全省一十六州八十九縣共銀一千零五十兩交付提塘運送部內

為書辦紙筆之費此項係提塘與書辦分肥者料
且只照管本省何必越俎猜料他省之事耶
不獨晉省為然臣既察出謹行奏

聞

一七月十四日護軍統領臣海爾吉到晉撫臣率
領司道赴郭外公所恭請

聖安海爾吉宣過撫臣管束滿兵不嚴之

旨十五日臣同藩司將泐驛道孟孫繩齊集撫臣官廳
候撫臣傳進講話將泐忽袖中出一小札云撫臣

約束滿兵不嚴一事我早已知有其事此札由京

寄到者與臣及驛道觀看札內云小靜天資刻薄

此皆多事構怨妄人之妄語自信者不以此等處介意
也今又意在晉陽一席矣諸宜謹慎等語臣覽之不

勝駭異不敢瞻顧徇隱據實密

奏

一安邑縣知縣車敏來詳報訪得該縣屬西古村

居民段文亮世傳邪教自伊祖父相傳教曰收源

已經數十餘年嗣後漸漸冷落與伊往來者稀少

家中供非釋非道非仙男女像共六軸有徒弟衛朝仙等十餘人在洪洞趙城臨汾曲沃太平等處居住目下並無聚衆為匪及作會念經之事臣轉報撫臣批令將圖像燒燬並將衛朝仙等押赴安邑研審有無教主生事各確情妥擬招報在案事是

闕邪教臣不敢匿不奏

聞

一據蒲州府報稱六月十四日有臨晉縣東坡鄉

民數十餘人從北門進縣要與知縣胡南藩講話
適知縣分劃虞鄉疆界公出捕驛等官諭阻衆皆
悔懼即由北門而出當時散回各村去時交與把
總徐雲一單云分縣苦樂不均開有六條一不該
分縣不分驛遞一不該平分生員一不該收糧每
兩捉短封五分一收銅不發銅價一坊廂四里差
事不應里民代賠一胡知縣不該既賣虞鄉又賣
五姓湖地方等語臣查知縣果有劣蹟應赴各衙

門控告何得聚衆肆橫群擁縣門臣轉詳撫臣批
令該府確查為首姓名嚴拏重治如單內所開胡
令各款實有其事即速揭報今於七月二十九日
據該府詳報將單開各款除分縣等項係奉部議
定案無庸議至多捉短封不發銅價等項逐一查
明俱係虛誣現在確查為首之人密行嚴拏等語
為首者之見甚是此等刁風切勿令其滋長
除臣轉詳撫臣批令嚴拏為首之人從重治罪外
事關聚衆入縣臣不敢隱匿不行奏

聞

一晉省自夏及秋據各屬報到雨澤調勻高下原
隰秋禾俱十分蕃滋惟大同府屬之天鎮縣報稱
縣屬南鄉一帶田未被旱雖七月得雨天寒補種
無及等語撫臣已委員查驗臣同撫臣藩司設法
撫綏務令得所又各屬有一二稍被雹災之處臣
即轉詳撫臣批令藩司同地方官加意料理合并
奏

聞覽悉

以上七條臣聞見最確理合據實具摺奏

聞謹

奏

好勉之密之密之一字更為切要

雍正八年十二月十九日山西按察使臣宋筠謹
奏為奏

聞事十二月十九日據寧武縣報稱本月十六日有蘓

致隆等一行十一人投宿寧武縣曹珍店中該縣見其行蹤詭秘細加盤詰內有戴水晶帽頂者云我姓蘓名致隆在京范毓馥處辦事係內務府管稅司行走奉十七王轉傳

密旨差往陝西辦機密事去該縣復加盤詰所辦何事云採買軍需駱駝該縣又加盤詰既往陝西採買駱駝何不從大路前進云范毓馥與永寧州于巡撫是親家有一件事託于巡撫著我帶信去料理

因此到寧武府等情詳報到臣思既奉

密旨斷無泄漏風聲且斷無從僻道與他人料理事件
之理臣即一面轉詳撫臣一面飭寧武縣確查蘊
致隆等如何奉差辦事及冒詐實情並飭令選差
幹役協同城守兵丁嚴加看守外臣不敢因循隱
匿密行奏

聞謹

奏

有旨諭撫臣



硃批諭旨卷一百三十九